

漢書門	
四七二	類
三六二	函
四	架
六九	冊

內閣文庫	
四七二	漢書
三六二	函
四	架
六九	冊

內閣文庫	
番號	漢 47.2
冊數	69 (30)
函號	362 69

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak



文翰類選大成卷第六十二七言律目錄

元

鄧紹先 十一首

胡士則 七首

倪太初 十首

江學庭 一首

吳德基 一首

吳慶伯 二首

鄧德良 三首

吳弘字 一首

王伯良 二首

張士敬 六首

貝廷臣 一首

游子敬 十五首

王懋建 六首

何夢桂 六首

陳克明 十二首

侯祖望 二首

胡子申 二首

章士熙 一首

劉用正 二首

傅季生 七首

胡伯友 三首

易景升 一首

龍叔昂 二首

龔季大 一首

麥敬存 一首

桂秋 一首

饒心道 一首

俞子中 三首

黃叔彝 一首

陳叔華 一首

艾葵誠 一首

高文矩 一首

施景舟 三首

涂守約 四首	王茂建 六首	裴汝器 二首	楊叔倫 三首	辜德中 二首	徐伯通 一首	潘多壽 一首	劉明子 二首	汪復亨 一首	葉仲興 一首	劉光烈 一首	周子震 一首	貢道父 一首
桂如祖 一首	袁仲徵 一首	黃元鎮 四首	李伯棟 二首	畢舜民 一首	曾元德 二首	張子東 四首	陳舜咨 一首	余叔容 一首	胡汝為 二首	王伯益 二首	傅子初 三首	高鼎玉 二首
趙宗楚 一首	張孟植 一首	卜友曾 五首	丁瓊翁 八首	徐天樂 二首	楊端如 一首	江以實 三首	陳平仲 四首	黃誠父 一首	周彌高 二首	趙德元 二首	董宗文 四首	李仲羨 二首

陳子正 四首	馬子尚 一首	葉景南 五首	釋中峯 一首	釋楚石 一首	釋蘊中 二首	釋古鼎 一首	釋仲銘 四首	楊節齋 三首
祝賓于 四首	祝彥祥 一首	釋夢堂 二首	釋笑隱 五首	釋立中 四首	釋道原 四首	釋大章 二首	釋見心 六首	無名氏 三首
黃中玉 一首	查廣居 一首	釋元叟 一首	釋宗海 一首	釋古明 一首	釋裕之 二首	釋斷江 一首	釋法智 三首	

文翰類選大成卷第六十二七言律目錄

文翰類選大成卷第六十二

左長史上海李伯璵編
伴 讀慈谿馮厚校正

詩類 七言律

元

題龍淵亭

鄧紹先

清虛結構架清冷白晝軒窗紫霧生日影搖波金甲動
月光照戶寶珠明卧雲幾誤來山雨濯足長疑踏海鯨
一勺清泠藏渤解飛潛誰識至陽精

寄萬德躬

禮樂河汾費討尋郢歌一曲想鳴琴煙花故國三春夢
劍珮空山此夜心天上鳳麟來瑞世人間風雅起淳音
白頭肝膽平生友霄漢相期意獨深

晴碧軒

曜靈東射泰山巔六合長風散曉煙數點彩雲飛欲盡
一雙白鳥去無邊熙熙人在光風裏渺渺神遊太古前
老眼由來空四海遙瞻廬阜挹飛泉

和喜山尚書九江舟中聽琴

志士哀時恨未平孤桐蕭瑟起商聲冰絃風露三江靜
紫闕雲煙五老清倚竹湘娥秋恨遠停梭鮫客夜魂驚
相逢為鼓南薰操起我悠悠萬古情

送楊希武郎中觀兵撫建回金陵

六代離宮艷綺羅人間瓊樹有遺歌東山謝傳風流在
南浦江淹感慨多上國鶯花歸鳳沼扁舟風雨老漁蓑
故人周子中書掾投筆高懷近若何

寄賀少監

南遊湘漢北趨燕早歲聲華已傑然個儻魯連天下士
風流賀監酒中仙百年禮樂興堯運一代文章入漢編
倦客江南相憶甚好將消息到林泉

題洞陽觀一碧軒

三山樓觀碧雲孤曾共仙人醉玉壺星斗滿空連上下
乾坤萬籟入虛無漢臯遊女秋遺珮海底驪龍夜吐珠
一別洞簫聲寂寞白蘋秋思繞清都

醉辛好禮

歲晚聞君有遠行書來深慰客中情青袍事業時將邁
白首文章老更成醉酌天漿愁北斗笑翻滄海泣長鯨
五雲墮地金聲振化作朝陽彩鳳鳴

元夕宴劉彥常宅

秉燭歡遊夜未厭襲人春霧落纖纖梁塵歌動風生席

鼎篆香清月轉蒼玉珮樽前聯錦座綵雲天上隔珠簾
銅壺漏永春宵短欲挽東洋海水添

贈日者張海槎

渺渺靈槎海上仙歸來人世幾千年家無織女樁機石
案有君平賣卜錢玩易心游天地外尋源身到斗牛邊
少陵白髮憂時久莫說天津有杜鵑

上程知府

桂林高折一枝秋星斗文章煥九州書軌忽驚南北異
江山不盡古今愁亂離經濟才難得戰伐瘡痍病未瘳
五馬誰當天下選謝安江左獨風流

文子方郎中奉使交趾

胡士則

漢郡風煙接九真陸生談說尉陀臣路經銅柱秋雲暮
天入朱鷺曉日春昨夜玉階宣諭重當年金匱校讎新

殊方若論多才藝為說中朝更有人

宋定遠赴京并柬翰苑諸友

桃花浪煖鯉魚跳送別殷勤折柳條一角祥麟符漢武
千金駿馬出燕昭豐城劍氣干南斗長樂鐘聲和早朝
若到鑿坡煩寄語江南煙雨老漁樵

寒食有懷史局

丘墟人靜野煙空今古茫茫恨不窮花下麒麟黃壤墓
樹頭杜宇碧溪風千家杏酪春風裏一架秋千淡月中
昨夜共聽寒食雨三年尚想鼎湖弓

弔淮陰故城

此處王孫別釣磯蕭何與語便相奇封侯誤取真王印
開漢空煩大將旗事去冷煙沈舊恨潮來寒雨打荒碑
有懷倚棹空城裏日暮春風吹柳絲

贈張貧樂

人間富貴定何如
仙子飄飄一物無
夜醉碧桃和鶴舞
春耕瑤草與龍呼
鬼神莫測先天竅
雷電長隨太乙符
高步玉泉多勝槩
俯憐金塢幾愚夫

徐州春暮

三秦已屬真龍子
萬古空餘戲馬臺
燕子經年江上別
桃花一夜雨中開
龜鼉洶湧清流合
塔廟參差碧嶂回
日暮黃樓登覽遍
蘇仙不見使人哀

懷來思親

雲開彷彿認磨笄
南眺燕城萬樹齊
沙磧無風蓬自轉
榆關有月馬頻嘶
經行驃騎三軍北
瞻望龍光兩劔西
七十慈親經歲別
一秋歸夢五更迷

寄簡吳宗師

倪太初

桂旗蘭蓋肅驂駢
暫領仙官出禁闈
秦時神光脩夜祀
函關紫氣望東歸
蛟龍宛尾承香案
鸞鶴分翎織縞衣
列岳偏祠迴祝冊
五雲高拱近天威

奉呈虞侍講二首

文帝中興戢武威
元臣高步列彤闈
玉鞭調馬陪春宴
銀扇迴鸞從夜歸
立仗官曹移講席
捧香侍女拂朝衣
龍輿一去橋山遠
獨抱孤雲萬里飛
五載抽毫侍禁中
上賓虞舜協時雍
頻裁密誥頒三省
旋寫新詞降六宮
金井蟾蜍分碧露
玉杯鸚鵡醉香風
詔歸特賜金蓮炬
迢遞蒼龍闕角東

題張真人觀回行卷後

龍蟠虎踞漢仙家
碧玉樓臺護紫霞
春在猗蘭開奕葉
風暄珠樹吐三花
霓旌翼駕朝元早
雲笈傳書卜世遐

忝是蓬萊山畔客星河慣識上天槎

送道者歸閩省親

採藥求仙碧海東客行重入故鄉中銅盤露滴三秋月
玉杵霜飛五夜風榕葉盡從來後老桃花只是去時紅
南真奕世多仙氣衡岳峯頭幾歲逢

送人入京二首

十載秦城夢寐閒客衣重著思漫漫江河眾水分流出
濟岱諸山對海安茅店聽雞霜月白柳橋飲馬曉風寒
舊藏篋內陰符在贏得蘇郎對雪看
牢落乾坤見二毛登丘却望鳳城高城頭擊柝檣烏起
塞上吹笳櫪馬號壯士語深留寶劍故人情重贈綈袍
廟堂進用多才傑清眼高歌望爾曹

贈人遠遊

遠辭雲月謝松蘿頰倚郵亭拂太阿表解鷓鴣春卧穩
盃乾鸚鵡夜吟多三韓方丈連滄海華岳終南隔大河
此地經過重回首天門佳氣正嵯峨

題壽春堂

兵衛森門列綵獸使君堂上足歡娛醉攀北斗斟元氣
坐瀆東風動九衢千歲崖松收琥珀三秋海樹長珊瑚
故家舊德猶遺澤奕葉蘭芳衍慶符

題成趣亭

吳氏亭臺水竹閒百年幽興滿松關匏樽雪後移當徑
石榻晴來卧看山晝日鳴雞花下散春風飛燕柳邊還
楊雄五畝城西宅草就玄經未得閑

題福濟廟

江學庭

故宮秋草翳龍鸞萬古英靈此地蟠棟宇尚存唐歲月

江山曾識漢衣冠賈生遺恨蒼波遠主父竒功白日寒
更後千年心尚在斷雲斜日是長安

過舒城懷余先生先生死夫人暨子及麾下紀
李陳諸將皆死甚烈感而賦此 吳德基

一門三節動當今况復偏裨力足任卞壺有兒常配食
田橫無客不同心經傳漢獄情無已哭向秦庭路莫尋
惆悵真儒淪沒後皖城萬古一銷魂

次韻奉題吳彥貞華林別業 吳慶伯

郡城南去有華亭花木成林竹繞汀照影鳳凰臨月鏡
傳聲鸚鵡隔雲屏分栽柳入陶潛傳點校茶歸陸羽經
我亦延州老孫子對江相望樂清寧

聞笛

三弄何人竹響流曉風吹盡夕陽收山陽得似嵇中散

江上能非馬督郵谷鳳鳴當初出日水龍吟是欲分秋
折殘楊柳梅花落明月關山萬里游

元旦

鄧德良

丹鳳銜書詔改元黃雞催曙燭花圓諸侯虎拜王正月
天子龍飛帝二年山郭擁雲隨曉仗海霞擊日上春天
江閩地暖風光早紅杏緋桃已爛然

送醫學教授陳杏林之潮州

三千驛路上灘舡九品醫官半百年藥市得錢添月俸
杏林收穀當公田北書漸遠江鴻少南食初嘗海鱸鮮
不用越巫驅瘴癘家家傳取衛生篇

送章宣慰征廣海

元載小隊海南天龍虎金符照去羈細柳一營軍十萬
潮陽兩月路三千鄉關遠近同明月鼓角清雄壓瘴煙

卧護不煩勞半鏃鼉鼉夢斷已多年

別浦漁歌

吳弘宇

西風吹動木蘭舟一曲漁歌萬古愁音調何心諧鳳律
風波無處著羊裘江空鷗鷺同為侶水落魚龍不近鉤
明月滿舫應罷釣得魚沽酒復何求

喜危伯明教授上京回詩以奉柬

王伯良

大兄甲子甫周圓又捧除書下日邊太守正懸高士榻
諸生競設廣文氈池芹時雨添新墨壇杏薰風拂舊絃
老病客牕依泮水願分餘潤及同年

題韓民瞻送李經歷兄弟還鄉行卷

幕府人誇兩弟昆
暎如玉樹倚春温
忽瞻親舍雲千里
謾把離亭酒一樽
汝水夜凉梧葉老
沁園秋淨菊花繁
誰知贈別歸盤谷
猶是昌黎舊子孫

泊西興

張士敬

行如歸鳥未安巢泊似枯禪暫解包軟語逗遛吳地習
拙詩慙愧越僧抄未諳土酒隨宜飲旋買江魚借具庖
有酒得魚身是客絕勝無酒與無肴

和蔡山長九日見寄

行看去馬與來牛雨送新寒入弊裘烏帽風高欺客醉
龍山地遠共誰遊閑搔白髮懷千古笑折黃花了一秋
但得興來隨分樂底須騎鶴上揚州

春日神溪作

溪館無人自獻酬塗鴉棲壁記芳遊山藏古廟神如在
船掛輕帆水倒流兩岸人家隨地樂一灣楊柳帶煙愁
眼前擾擾江湖客誰肯忘機對白鷗

寄吳用臧

憶昔騷壇一字師至今遺墨粲驪珠月中斫桂名雖在
腹上生松夢未符孔伋中庸堪振祖呂蒙英略復非吳
少年自是龍門客他日煩君問故吾

古洪脩琴自遣

越北燕南走半生邇來稍稍樂山林一編古史千年事
七尺頑軀萬里心興盡轉蓬懷故國夢回歌枕聽寒砧
世閒甲子何勞數自息心機整舊琴

送王鍊師遊茅山

半老情懷斷宿攀紫芝山下遇黃冠笑談如食中邊蜜
呼吸期成內外丹道法暗符天地妙文章光射斗牛寒
神仙只在人閒世底用蓬萊山上看

送友人之姑蘇

貝廷臣

黃金換土築姑蘇形勢千年入霸圖鳳閣鸞臺分兩省

虎符龍節鎮三吳軸轡日暮回滄海鼓角霜清落太湖
會賦壯遊詩百首瓊花楊柳似江都

題方壺萬里意圖

游子敬

仙人繹思運霜毫彷彿驅山走海濤雲擁翠華馳八駿
天開皇極斷連鰲匡廬迥接南溟闊碣石遙連北斗高
俯仰不窮千古意龍沙飛雪寸心勞

戲馬臺

戲馬臺前落日遲英雄曾此駐旌旗分王西楚切何盛
失守三秦事已危埃下悲歌慚亞父帳中起舞泣虞姬
落花芳草空基畔逝水東流不盡悲

歌風臺

豐沛鳴鸞萬乘歸酣歌游子故鄉思勲勞自信推三傑
宴樂寧忘守四夷日月尚隨丹鳳輦風雲長繞赤龍旗

荒臺遺址今猶在蔓草寒煙鎖斷碑

別吳德潤寄常元紀

露下江城碧樹秋翠微相對坐消憂高情季子空留劍
多病潘郎獨倚樓綠酒黃花堪盡興錦屏瑤瑟迥添愁
過家爲報常都尉憔悴滄浪一釣舟

送楊知事歸天台

三年書考騰飛鶚千里歸心寄斷鴻楊柳畫船懸夜月
桃花流水繞春風丹霞未負幽栖志翠幙猶存贊畫功
矯首煙塵眇何許赤城雲氣與天通

鍾陵懷古

豫章臺上看西山詞客傷心悵望聞千里鶯花連越雋
三江煙雨暗荆蠻仙人騎虎歸何處帝子鳴鑿去不還
唯有東湖煙草綠月明依舊水潺湲

葉禹疇留宿

風塵相顧鬢先華高館清樽對菊花王粲含情思故國
賈生流恨滿長沙光搖銀燭歌聲轉漏下銅壺片影斜
河漢無雲清且淺欲隨仙使泛仙槎

贈風鑑謝理觀

觀人論理世應無驚見先生藝絕殊溫潤春煙生玉樹
清高秋月照冰壺艱危那得陳平羨調笑聊爲蔡澤愚
相顧止言詩律細固知漁釣老潛夫

秋興

野曠天高露氣浮月明煙冷水空流愁連鼓角雙蓬鬢
秋滿江湖一釣舟綠酒難逢陶令醉蒼生無復謝公憂
百年世事塵埃裏默默含情獨倚樓

吳憲使入道

回首繁華跡已陳仙衣元不礙埃塵誰知紫極宮中客
曾是金鑾殿裏人芝草暖雲丹竈曉桃花流水玉壇春
不須更問長生訣千古高風自不泯

寄張士敬

天上星辰動紫微人間使節望清儀聲華舊著仙人館
文采新傳節婦詩華蓋綵雲春色近東湖紅日曉光遲
風塵荏苒頭俱白千里江山勞夢思

寄吳石雲道人

氛埃纔起客離家萬事傷心兩鬢華霽雪難消南海瘴
春風還發上林花久知季札猶懸劍安得張騫共泛槎
今古才名俱若此側身西望一長嗟

又寄前人

避地殊方素願違故人相見眼中稀桃花著雨春猶淺

楊柳牽風力尚微白首每慙黃叔度青山遙對謝玄暉
無言懶醉山中酒日暮殘雲滿日飛

聞宋子瑜歸

朝辭幕府解戎衣夕向空山覓紫芝彈缺自傷為客早
折腰方嘆去官遲蕭蕭白鴈西風勁采采黃花夕露滋
却憶江波垂釣叟白頭猶作帝王師

所聞有感

塵飛塵走力難任巡幸沙邊悔恨深烏篆未經銜軹道
龍文先自徒汾陰空傳行在淪孤憤無復窠區遏八音
聖德神功俱泯滅英雄千載一沾襟

寓興

王懋建

小齋清寂雨晴初養拙生涯偶自如夢裏屢尋芳草句
病來慵寫絕交書烏啼綠樹輕煙暖花落閑階過客踪

却羨陶潛幽趣好長歌吾亦愛吾廬

題鄒氏翠濤軒

長松落落俯危軒疊翠凌濤際九天滿戶秋聲三峽雨
一簾晴靄五湖煙仙禽宿穩聽偏慣整客魂清醉不眠
吹罷玉簫心似水半鉤涼月夜娟娟

題仙山圖

層層石徑遶山斜轟轟樓臺擁彩霞物外田園閑世界
雲中雞犬舊生涯曾無隱地名愚谷長見仙蹤入回家
也擬扁舟約漁父泐溪處處訪桃花

懷友人久宦于蜀

夢魂幾度越瞿塘念子羈離宦遠方望眼雙穿無鴈信
畏途千里阻羊腸觀梅有詠留東閣載酒何人訪草堂
最想杜鵑明月夜東風潭上百花香

雨後偶題

僑居盡日閉柴關苔迳清幽綠樹閒中散絕交琴趣逸
文園多病酒壚閑浮萍生計隨塵夢芳草吟情憶舊山
自昔紉蘭風致好杜鵑催客幾時閑

初夏寄興

日長庭館倦琴書久病情懷偶自如苔徧空牆新雨後
泥香小徑落花餘耽閑會遣形骸累向老全將世味踈
風滿北牕清夢覺悠然心境上皇初

乙卯春過西湖

何夢桂

白髮星星紗帽烏怕隨年少過西湖清明上冢行人在
寒食開門宮使無半世行藏隨杖屨百年悲樂寄尊壺
歸來第五橋邊路半樹斜陽噪畢逋

上留忠齋

昆明灰出化塵縞夢遶邯鄲黍一炊鍾子未將南操變
庾公空抱北朝悲歸來眼底湖山在去後心期浙水知
白首門生憐未死青山留得裏遺屍

上張按察

玉節星輶浙水邊好將疾苦問愚黔十羊九牧鞭俱弊
一鼠群鴟肉未厭地處覆盆遮日月天教持斧拯閭閻
吳山不逐行人老留取聲名眾具瞻

見梅懷方山房

玉堂佳人中瓊英月下乍見心眼明香心野雲壓不死
幽韻天風吹更清玉龍聲高夜漏下綠夜舞短天雞鳴
歲寒相見苦易別安得白頭數弟兄

讀書有感

短髮凌霜強自搔可能書劍更徒勞春秋已降功名薄

秦漢而來智術高天外寸心孤鴈影人間萬事九牛毛
却怜刺股徒辛苦狐貉何曾恥緼袍

寄田按察

尊酒長亭憶別離參差吹斷竟誰悲我懷知己慙駸茂
公喜逢人說項斯一場煙霞雙鬢老數間茅屋二天私
錢塘日暮長江闊薄擷芳馨寄所思

送施景舟還宣城

陳克明

清朝取士得才難未許將軍晚歲閑故遣老成辭上國
欲將文化定南蠻九天雨露群生遂萬里風霜匹馬還
今日故園歸興好長吟飽看敬亭山

效唐人賦宮人入道

長門一別赴琳宮寧復中宮促綉工紅葉人間無舊夢
碧桃天上自春風步虛尚覺宸光近歸去還疑輦路通

猶有內家簫管在夜深吹向月明中

奉題張真人所畫秋林平遠圖

仙人放筆回古木蒼蒼秋色出林阿月明滄海珊瑚影
雪壓崑崙鐵石柯紈素裂霜秋水淨紫苔封石錦雲多
朝元鶴駕歸來晚煙雨空山長薜蘿

題華山羽士脩靜閣

道人脩靜倚高寒樓閣憑虛萬仞山寶蓋入雲天只尺
回蒼疑露月中閒神閑不動存真氣丹熟成功養大還
夜半浮立迴鶴駕天風珂珮玉珊珊

中秋有感

畫省曾陪冠蓋遊華筵詩酒宴中秋星河不動天如水
風露無聲月滿樓皓齒纖腰催象板珠簾涼影上銀鉤
于今寂寞江城暮烏帽西風嘆白頭

秋江晚渡圖

峯巒千仞翠氤氳樓閣凌霄日欲曛秋水淨涵千頃玉
野航晴度半溪雲樹頭紅葉高低見谷口蒼煙遠近分
見畫自慙羈世俗擬從林壑避囂氛

雲山讀易

山雲空翠濕衣襟誰識山中讀易心掃石焚香清澗曉
研朱滴露碧松陰一圈太極盈虛定萬古包犧造化深
六十四爻披閱罷隔溪啼鳥夕陽沈

題高將軍所藏高彥敬青山白雲圖

積翠層巒霧未消兩崖晴靄白雲飄僧歸黃葉秋林寺
泉落青松石澗橋杜曲花開應有約柴桑酒熟定相招
山翁不厭頻來往短褐寧辭杖屨遙

高大使具淞歸興圖

楓落吳江白鴈飛天涯游子正思歸香消夜月青綾被
涼入秋風白紵衣江浦蒹葭含宿雨驛亭楊柳帶斜暉
分明記得西湖上載酒蘭舟近翠微

題高理瞻所藏小景圖

昔年爲客楚江邊雨霽江南二月天楊柳回橋深淺水
桃花春岸往來舡新篔白酒浮盃醖旋買青魚出網鮮
因見畫圖驚舊夢東風吹面鬢蕭然

送僧遊廬山

孤雲來自帝王州名利江南許遍遊山色半天肯以畫
松聲六月冷如秋補衣遺線曾移石渡海浮盃不用舟
歸到叢林講經罷碧蓮池上月如鉤

東程彥肅求梅

先朝文獻舊家聲深隱盱江遠俗情芸閣贖藏黃卷在

梧軒還似玉堂清閑書草聖翔雲朶醉寫梅花伴月明
欲請補之描數幅東風吹送到山城

感興

鳳皇山下野花開又見東風燕子來主將深居營玉壘
王官行樂載金罍裂麻解使陽城哭作賦徒令庾信哀
多少高人隱屠釣尚推門第不論才

病鶴巢

侯祖望

久無魂夢到蓬萊遠托雲松戶牖開風露一枝寒骨冷
海天萬里此心灰自尋玄境棲真趣誰識丹砂養聖胎
唯有侯嬴窮痼甚結茅共卧碧山隈

寄饒孟式居梅希富館

千年高趣兩拄杖半世多情三折肱野屋看雲閑伴鶴
石泉煮月澹如僧青山留客故人酒白髮著書深夜燈

喜有梅花識清思一痕春色照寒冰

送人從軍

胡子申

漠漠黃沙障曉氛離離紫塞立中軍三邊虎旅風雲氣
七尺龍駒錦綉文齊國金貂加上將漢家銅柱表奇勲
朝廷日獻平戎策茅土終當驗等分

去國

去國飄飄眷治隆為農寂寂願年豐投金空學屠龍技
拖玉深慙搏虎雄斷石土花誰試劍荒臺雲樹自歌風
微軀恨不凌霄漢六合乾坤入望中

送虞伯明教授南歸

章士熙

鯉魚吹浪柳花香春水還乘一去航天外青藜歸太乙
人閒華髮老文昌疾風筆陣開生練細雨書談校底囊
好為聖朝宣教鐸育才取次進明光

歌風臺

劉用正

擊筑酣歌倚大風高臺良宴故人同江東兵甲銷沈後
天下河山指顧中萬乘襟期開宇宙千年形勝傲英雄
霓旌立斷蒼煙上還有神靈托沛豐

送高伯昌之京

西家承學尊東魯南土頻年望北庭書劍一身踰嶺嶠
帆檣萬里渺滄溟寒銷玉宇燕山碧春動銀河御柳青
明日黃金臺上客詞華早為播芳馨

題李神童卷

傅季生

建炎丞相賢孫子奕世衣冠此地居想角遂登群彥表
讀書渾破五車餘松筠四合空山靜雲霧東來故國虛
復見諸孫甘澹息百年佳氣自充闔

贈翠雲道人

天上春濃早挂冠
山中日永自脩丹
夢回紫禁煙花晚
思入滄洲海月寒
吳地子真非市卒
漢廷曼倩本仙官
不須長忌時人識
夜夜吹笙引鳳鸞

送余元彰之番禺尉

服役中朝蹟已宣
授官南海秩仍遷
歸航秋迥淮河月
公署春明嶺嶠煙
共識仇香能善俗
自云梅福遠求仙
從來郡邑尊廉吏
美政應將繼昔賢

代贈

翳鳳鸞謫未回肯
教緣分落塵埃
宮中舊識元才子
天上今聞馬殿魁
寶扇秋詞傳樂府
金箋秋信寄蕭臺
桂香滿袖君還省
舞徹霓裳却共來

試筆偶成

朝晴試墨敞松庭
引紙當軒筆復停
莫以好臨干米帖

遂無求寫換鵝經
香綾綉句凝雲朶
翠石竒文粲鳳翎
尚想雞林真蹟重
晉公千帛一題銘

題鍊柱

西山樓閣凌空去
特鑄玄金鎮此都
八鑠深維坤軸穩
重淵高峙漢槎孤
波濤不動妖螭窟
雷雨長懸寶鳳符
春水年年繞城郭
神功那得論虛無

寄題劉元善停雲樓

劉郎結托多豪雋
春雨登樓感別離
渺渺煙塵難遠道
悠悠山水足幽期
江花落盡啼鶯後
階柳深如繫馬時
遙想朱簾空外捲
馬詩重疊寫陶詩

送僧之廬山

胡伯友

廬山之峯青到天
百鳥不敢巢其巔
凌空踏雪雙赤脚
入定坐雲偏袒肩
天池夜光散紅葉
海門秋色歸白蓮

菴巖三百有六十一日應須住一年

送人之九江

四野饒歌起暮愁壯年激烈載書遊九江月白琵琶夜
五老天青菡萏秋對酒豈無司馬在巢雲應共謫仙留
但逢勝地曾登眺多寫新詩寄白頭

次厓詩為張幼祥賦

乘槎張子天河客河與洪厓絕頂通日照書巢蒼樹表
泉春藥碓白雲中古丹九轉芙蓉火靈大雙迎枸杞叢
借我雪精騎半月逍遙遊遍藥珠宮

送黃脩未之武夷

易景升

武夷山中隱君子聲名海內共不傳承詔頻煩虛束帛
著書辛苦作千年春風盡入淮南座夜月空懷剡曲船
政憶鄉閭仍送客海榴花外雨如煙

題連珠上人鑿卷

龍叔昂

佛經講罷究鑿篇鑿術能同佛法玄應供無方還擣藥
燒丹有室就安禪道源驚嶺真非妄方出龍宮祕不傳
千載神僧疑再見珠林還在白雲邊

送饒李讓進士赴京會試

幾載明經學績文忽看超出鳳毛群瑤林春色天邊覽
金榜名香日下聞制作定追周禮樂對揚宜述漢功勛
嗟予老疾唯栖遯拭目高翰麗五雲

次韻答吳士行

龔季大

喪亂飄蓬十載餘偷主何地是安居山中歲月形骸老
天上風雲夢寐疎濁酒盈缸香泛蟻舊書滿架蠹生魚
何年得遂幽栖志白鹿穿花駕小車

挽周處士

麥敬存

山木蕭蕭雲不飛，溪橋回首淚沾衣。
茶熟門前客到稀，返劍徐君慚自信。
執鞭晏子願空違，可恰玉樹無顏色。
雙倚寒庭對夕暉。

鶴骨笛

桂秋

九皋聲斷楚天秋，玉羽丹砂一夕休。
枯朽半存生死調，淒涼吹盡古今愁。
魂歸遼海身如玉，夢斷江城月滿樓。
惆悵主人三弄罷，杳無消息到揚州。

四無居士輓章

饒心道

爲誰留滯戀脩齡，宇落栖遲酒半醒。
短髮謾憂天下白，好山偏入夢中青。
風塵有地歸神物，河漢無人識客星。
汗漫赤霄玄圃外，仙螭相待駕雲駟。

次韻陳伯昂見寄

俞子中

關河瑟瑟暗烽煙，矯首遐觀獨悵然。
徒見舟車勞驛使，

未聞山澤訪遺賢，參橫古塞初寒夜。
霜滿征衣欲曙天，自笑儒冠只如此。
窮通何必卜筮筭。

病起口占

憶昔辭家塞北遊，朝來何事怯新秋。
床堆藥裹塵侵几，風靜書牕月滿樓。
伏櫪長鳴憐老驥，引杯含淚惜兵鉤。
旌旗明滅西城路，落日長煙起暮愁。

堵無傲討賊獲功任金壇，縣尹久別無信作此寄之。

春入椒盤歲復除，故人不寄一行書。
虎頭年少方投筆，鶴髮慈親正倚闥。
鷓鴣雲霄揚羽翮，犬羊巢穴悉丘墟。
丈夫出處皆前定，莫向明時較疾徐。

題海雲樓

黃叔彝

見說飛樓高入天，凌雲東望海如川。
乾坤影浸三山樹，

吳楚青連萬古煙鶴背笙簫天籟發龍嘘簾箔夜珠懸
從遊擬達登臨願試上慈航一問禪

題許氏環翠亭

陳叔華

城西高亭森萬竹重門積翠常陰陰雲開不見月在地
雨至忽驚秋滿林已聞深處可留客復向靜中宜鼓琴
潛溪學士有高詠清風劃起蛟龍吟

附書往吉水姻弟蕭聞政

二十餘年不見君近來消息始相聞幾回夢寐曾同語
一段情懷未忍分苦憶椿萱催短景幸傳蘭桂藹清芬
附書爲報今垂老目斷長空日暮雲

洪以德求和登厚靈山詩有仙觀依原韻以答之

訪道崆峒已倦游定知此地有蓬丘松華石上長如雨
芝草山中不計秋却擬閑來銷百慮欲窮高處豁靈眸
雲端信有尋真路若遇安期定少留

題松溪道隱

一箇長松澗畔青故人爲此製茅亭洛陽不識仙爲呂
華表今知鶴是丁囊底誰傳食玉訣窓閒自寫換鵝經
白雲深處無人到歲晚相期斲茯苓

謝丁允望惠詩未及答

憶君長誦寄來詩落月空梁入夢思欲報瓊瑤嗟已晚
每看珠玉媿先施江天露冷簾葭老野日霜晴橘柚垂
最說松溪來往近曾因樽酒話相知

江上對月

晚涼江樹作秋聲夜久東林月正生銀漢欲流翻倒瀉
金波不動湛空明一汀風露荷香濕萬里山河桂影清

坐見沈沈天似水玉繩斜轉斗杓橫

送黃公偉考滿赴京

青原文物擅當時太史聞孫衆共推
芹泮久持夫子鐸杏壇重近董生帷
九年考績應書最千里趨朝又及期
雲路好登清要地夔龍同集鳳皇池

送吳彥貞赴京

先生皓首老窮經秋夜猶囊案上螢
誰遣薦章來魏闕要陳時務對虞廷
中州禮樂追三代西漢文章應五星
此別未須辭老病正當麟鳳集郊坰

正月人日喜晴書懷寄陳克明

春風吹煖雨無聲人日難逢此日晴
少壯不期今老大艱難轉憶舊升平
差科纔動無窮事迎送相忘有故情
爲報吾宗老詞客乘閑過我話平生

答本虛上原韻

書倦猶思石鼎茶乘閑欲訪梵王家
穿林緩步尋芳草掃石輕移惜落花
忽見催詩來急雨曾留酌酒汎流霞
此時最憶安禪處夢繞空梁落月斜

春晚

遠風微動浪紋生落日斜連野色明
晚暉鳥啼泥滑滑春山人伐木丁丁
數株官柳千條亂幾箇漁舟一葉輕
何處棹郎歸去遠月明溪上踏歌聲

湖口舟中望匡廬寄許仲孚 艾季誠

艇到平湖繫淺流倚蓬忽起望中愁
九江月冷琵琶夜五老雲閑菡萏秋
形勝宛如前輩畫風流曾記昔年遊
不知翠壁丹崖裏尚有巢松李白不

歸豐城有感

高文矩

閭里睽違二十年重來風景倍凄然居塵日午無諠市
負郭春深有廢田漠漠蓬茅秋欲雨依依籬落晚橫煙
繁華一去風流盡賴有長江慰目前

武陽道中

施景舟

赤日將中暑漸侵郵亭少駐豁煩襟風回屋角來涼氣
雲度山腰落午陰柳外平沙連岸遠竹間幽徑入村深
田家自得昇平樂耕種都忘勢利心

南陽道中

山巔草徑杳難攀竹外柴門靜不關詩在淡煙斜日外
人行流水白雲閒風前唳鶴摩霄健天際飛龍帶雨還
事業時來隨世用山林老去任投閒

清所軒

妙年高蹈遠朝班襟度瀟然隔市闌山水閑情超物外

乾坤清氣落人間溪橋雪後騎驢去月夜梅邊待鶴還
老我江湖非俗客龍門何日許躋攀

戎王出獵圖

涂守約

九月遼陽草正黃天山飛兔白如霜驍騰已合三軍勢
猛銳猶思百戰場金鼎割鮮供上將玉甌和血飯名王
燕支小队穹廬出也向天邊獵鴈行

離亂

離亂江城聽鼓笳感時長是憶京華秋風屢泣湘靈瑟
斜日虛疑漢使槎千歲華夷歸正統一朝文物屬誰家
皇輿不復英雄老羞對寒流拂劍花

秋望

挾書遊子不還鄉獨上高城望大荒西北窮陰連莽蒼
東南巨浸接微茫三分世運徵庸少八月風沙草木黃

欲獻封章何處是五雲宮闕近扶桑

詠馬

海上龍媒不可招千金毛骨市迢迢蹄翻白雪空中見
影逐玄雲日下飄裹甲夜隨沙嘖戰龍鞍春入紫宸朝
房星寂寞孫陽死轉覺駘駘意氣驕

次韻奉謝芝軒中丞

桂如祖

星動蓬萊候使車金銀佛寺桂花初喜瞻上相威儀盛
深媿狂生禮法踈甘露凝香瑤席酒卿雲絢綵錦箋書
座隅屢沐垂青盼敢頌明廷錫峻除

用太古顛韻柬于士演

趙宗喆

宦轍歸來事事厭詩情多向醉餘添夢醒竹樹雲連屋
吟到梅花雪覆簷簾藥鼎中惟慕葛垂綸溪上獨懷嚴
明當訪子吳橋外共看秋潭半夜蟾

聞諸公遊筆架山有作

王茂建

三山削出翠芙蓉縹緲樓居接太空雲裏吹簫騎鳳史
松陰留奕茹芝翁神情浩蕩思遺世髣髴飄蕭欲馭風
問訊廣成何處在好乘鸞馭入無窮

秋日旅懷

西風薄暮思悠悠冉冉年光不暫留仕止固知無定策
行藏寧敢昧前脩伴狂歎鳳非吾事涕泣傷麟豈自由
碩果若存吾道泰何憂書劍尚周流

雨後夕涼東友人

山中向夕雨初收窻戶無人熠燿流鳴杵幾家臨積水
征鴻一片度危樓涼陰滿地梧桐月露氣涵香薜荔秋
誰道平生甘寂寞夢闌偏憶太平遊

暮春即事

塵事勞勞兩鬢霜愁將清鏡閱年光磨礱歲月歸吟社
檢束生涯入醉鄉草引閑情頻悵望蝶隨春夢屢悠揚
覺餘一罌茶甌罷短笛清風正夕陽

題熊務成晚翠軒

結構幽軒近翠岑晚來飛翠鬱沈沈琴床不雨長生潤
書幌雖晴亦抱陰半照夕陽成異彩淡籠高樹護栖禽
知君久澤文章羨却笑南山隱豹心

歲暮病中感懷

北風吹袂褐衣單客舍淒清暮雨寒酒為病多經月斷
愁隨日積幾時寬身閑守道誰云易世薄安生策最難
若是滄洲可乘興扁舟獨往坐持竿

秀峯懷古

袁仲徵

湯池壁壘讓王城奴隸猶聞至德名差闕又推神木柱

胥祠仍薦血毛牲空山落日狐狸出荒徑秋風麋鹿行
橫槊豪吟竟何在水流東去寂無聲

和黃芝山奉虞奎章京師回程韻 張孟植

馬蹄翻雪響春潮溝柳搖春接御橋地轉青陽元氣潤
日舒黃道五雲遙侍臣綵筆誰簪鬢猛將龍泉各在腰
獬豸不教當殿陞鳳皇端合舞簫韶

吉安分司春老所感

裴汝器

湖西香遞百花英騎馬觀風柳外行未效股肱宣氣力
須將耳目達聰明雲開髻聳螺山碧瀨漲紋回吉水清
紅紫無言慊春老野梅酸味若為情

同戚相公往吉贛

六月初從庾嶺回秋風旋自出霜臺重分玉節臨邊郡
常許丹心燭上台捧詔暫為安撫使行歌應媿激揚才

紫薇花下青年客，恩化同宣慰勞來。

秦望山

黃元鎮

萬騎東行上會稽，此山登望海天涯。神人鞭石乾坤動，方士乘舟歲月遲。一夕平陰持白壁，五年豐邑起朱旗。那知千古蒙餘烈，忍對西風讀斷碑。

會稽南鎮

巨鎮東南表海邦，玉書金簡昔人藏。雲從禹會奔侯國，星列周官奠職方。野逕莓苔秋樹老，空山香火夕暉涼。共惟歲徧宗群祀，勅使年年攝薦璋。

春日東行道上

青郊冉冉散晴暉，芳樹頻聞一鳥啼。山驛水流花落盡，石田雲暖麥抽齊。禪房鑿路當巖半，釣屋維舟傍竹西。行過野橋人語近，尋源應到武陵溪。

過梁安峽

書畫舡頭載酒迴，滄洲斜日隔風埃。一雙白鳥背人去，無數青山似馬來。天際雨帆梁峽出，水心雲寺石門開。襟期浩蕩君知我，授簡惟慚賦峴臺。

和林一原題西乾廟韻

卜友曾

美人西扣古王宮，推枕山窓曙色溶。嵐氣秋來深似海，嶺雲日暮碧於松。苔生堦面侵銅鼓，水落波心起石龍。一路西風吹醉帽，黃花滿地似春濃。

郭彥達都事悠然亭

悠然亭上翠浮空，林壑歸來一笑同。稚子春游脩竹裏，詩人夜醉白雲中。瀟山連屋書千卷，潁水當軒菊萬叢。招隱欲題應有待，漁竿閑颺落花風。

寄建安經歷沙子中同年

離亭旌佩思紛紛江上西風落木聞客棹相逢前日雨
漁罾猶挂隔溪雲小樓吹笛青山老返照移樽碧草醺
萬里霞洲望不極祗將秋水贈夫君

懷友

憶得城東賣酒旗維舟立馬意誰知江流衮衮相思後
帆影悠悠獨去時巫峽秋雲連泰華金陵春草接黃陂
紅塵孤負滄浪釣猶擬梅邊寄一詩

興聖殿進史

瑤編初進侍清光日麗龍池晝刻長堤柳染成春水色
宮花併入御爐香金壺洒露曾階滑玉椀分冰廣殿涼
矇眊似知天意喜鳳笙新奏五雲章

喜辛少府田巡檢見過

楊叔倫

谷鳥嚶嚶伐木時一溪流水夕陽遲晴薰草色煙生野

春入楊花雪滿枝深館忽聞聯騎至青燈喜與故人期
明朝只恐鸞書急又向山中賦別離

題吳氏廣山堂

群峯數里巒峩樹勢參差野逕遙門巷落花無過客
塔除殘日見歸樵明時屏迹書千卷皓首忘機酒一瓢
歌斷考槃秋思遠滿林風竹夜蕭蕭

送李上人歸金華山

南村十月荒草稀白鷗半兼鴻鴈飛夕陽在野雨初散
秋葉滿林僧獨歸空中聽法花委地海上洗鉢雲生衣
去來飄忽無定迹回首青山深翠微

舟行阻風題望湖亭

李伯棟

平湖未落連天水古木猶號捲地風故國山河餘蟻夢
逐臣文字尚龍宮三江雲立銀山碎五老雲屯玉障雄

喚醒馮夷同一笑酒船過鼓過江東

歸舟

濤頭飛雪灑牙樯聊伴閑鷗繫晚航天闊斜陽下平楚
地偏遺老說荒唐水粘彭蠡皆澄碧山入康廬盡老蒼
掛席不知牛斗近夜深寒色捲龍光

寄番陽李萬民

丁璫翁

湖海飄蓬二十春歸來小隱樂天真詩書有味世情淡
林澗無慚歲月新耳冷不聞天下士顏蒼羞看鏡中人
早求涓滴蟾蜍水淨洗毫端一點塵

九日前呈吳仲德

滿目空山杳靄中群鳥何處辨雌雄黃花卧檻重陽雨
紅葉滿堦今夜風有客思家懷渭北無人送酒過籬東
斯文骨肉如相念此會年年歲歲同

病後寄友

藥竈煙消白晝閑披衣力疾話平安十年不覺九番病
百歲能逢幾度歡堦有綠苔緣客少頭無白髮爲心寬
老天肯把英雄困抖擻精神取劍看

荅山長楊師善

蕭散襟懷醉復醒眼前香舊半凋零百年時節幾樽酒
萬古乾坤一旅亭秦落底須歌纂纂人生難得鬣星星
直將一篆消浮慮日讀黃庭兩卷經

求李推官粲然賦怪石詩

煙波萬里去來歸底事謀生與願違海闊已知鯤北化
月明誰念鵲南飛詩無好句經題品石有奇形待發揮
相識滿前言累百如公名實世閒稀

除日送客

曆盡年窮可奈何東流赴海不回波水寒夜靜無漁釣
歲晚江空有客歌去日漸多來日少醉時常少醒時多
明朝已是五十九惆悵餘年一擲梭

戊子冬鑿池種果偶成

南北驅馳風俗殊歸來老圃就荒蕪黃金買貴爾為爾
白屋安閑吾愛吾種橘自期周歲縮放魚誰望報恩珠
窮堅老壯男兒事底用悲歌缺唾壺

暮春夜宴亦樂亭

萬物乾坤橐籥中生生化化總成空年侵髮有千絲白
春去花無一點紅池水深深涵夜月塔鈴歷歷語天風
闌干倚遍憂何事宿酒纔醒日又東

和蒼巖同知元旦偶成

辜德中

雲霞出海挾飛龍率土王臣盡鞠躬帽壓宮花明旭日

旗翻御柳試東風
瑤圖啓運三台正
金鼎調元萬物通
一寸丹誠天咫尺
自憐葵藿與心同

早起作

啼罷金雞乍啓關
鐘鳴更盡漏聲乾
白生虛室天光發
影轉斜窓月色殘
念母自憐歸夢短
忠君惟有此心丹
孜孜爲善真吾事
木箭終期透石盤

紙帳

畢舜民

藤熟寒砧永不塵
幻成罽毼素無紋
下垂四壁幌晴雪
春盎一團眠煖雲
無蕙香來從鶴怨
有梅花伴與蟾分
日高丈五正酣睡
不管傳書扣戶軍

采石弔李白

徐天樂

江上春山飛白雲
江頭春水碧粼粼
暫遲跨鶴樓前客
一弔騎鯨月下人
無奈漢皇重傾國
不知飛燕是前身

諸公只多權門手誰為先生問水濱

弔虞雍公

長江往往古今同六代興亡向此中若使舍人長用世
不知擒虎解成功平時護國成何事一旦臨危孰似公
却怨當時樊若水錯投鞭影向江東

和宗師吳閑閑對月書懷

徐伯通

玉屑頻分仙掌露冰壺長對禁城秋旌陽雞犬雲中宅
庾亮笙歌月下樓白髮未應黃閣老滄波寧許鑑湖遊
因看舊賜貂裘羨拂拭西風碧海頭

琴趣

晁元德

枯桐渾不理朱絲心醉心彈識者稀風蕩楊花春去遠
窻橫梅影月來遲閑中不盡登臨意妙處深涵動靜機
千載淵明應冷笑無絃清味少人知

題王縣尉眾老圖

展卷驚看古典刑文章事業更分明兩閒以內道為大
五福之中壽最榮槐蔭固知家世羨梅仙應是去留輕
北歸趁取斑衣樂笑約春風入酒觥

題知州張仲美自得齋

楊端如

先生學道久無營左右圖書樂性情夜舞春風忘蝶夢
曉迎涼月聽驢鳴黃山不改千年醉泊水還分一派清
萬物靜觀無限意野棠陰外有人耕

題鄱陽盧日章青山晚對樓

潘多嘉

村北村南半掩扉空濛疊嶂渺煙霏東新谷口樵人唱
采藥林中野叟歸落木烏棲九秋老蒼藤猿嘯片雲飛
西風簾捲凭闌立一笑掀髯送夕暉

海石

張子東

來自珊瑚鐵網邊，濕光長是帶蛟涎。形奇定出帝女口，色赭疑經力士鞭。律兀峯巒低映日，嵌空竇穴曲通泉。太湖靈璧俱塵土，得近幽人几案前。

分題賦蘭溪送楊知州之任

兩道清溪繞郭門，遙知候吏出紛紛。蕭蕭五馬嘶汀月，獵獵雙旌拂岸雲。春渚暖浮蘭茝氣，曉波晴漾縠羅紋。西風挂席乘潮去，更听州人說使君。

贈廣亮二上人遊錢唐

忽逢二朗別，忽送指吳關。是去蹤振錫，潮頭回白馬。翻經潭上起蒼龍，天邊鍾磬東西寺。雲裏樓臺南北峯，禮遍名山却回日。古藤雙檜翠重重，得錢唐故人消息。

西子湖邊放鶴仙

幾回同醉木蘭舫，相思東路一千里。

憶別西風十四年，遠信有時憑鴈寄。新詩近日賴僧傳，不須更問垂綸客。已有霜痕到鬢邊。

贈壽陽王關提舉

江以實

虎頭燕頰漢將軍，曾入長楊觀至尊。親射黃熊供御膳，生擒青兕授轅門。旌旗影壓淮雲黑，鼓角聲沈海月昏。一曲鷓鴣紅燭底，幾經釵影落瑤樽。

寄秦軒叔

雲滿淮濱雪滿空，夢隨飛鴈過江東。槎頭鱸擊蘆花白，玉面狸分柿葉紅。書屋茶聲欺夜雨，山堂酒熟納春風。一門叔父中郎長，應念低飛逐走蓬。

寄道士甘益謙

梅花滿樹雪晴初，短髮經秋不奈梳。匣拂綠塵看古劍，朱研清露勘殘書。霜寒楚岫猿聲遠，月冷秦關鴈影疎。

却憶道人無一事紫雲深處好棲居

九月四日觀駕

劉明子

太平天子出灤京百辟官僚萬馬迎金轡引車玄象穩
錦鞵載寶紫駝輕微軀幸際乾坤大萬國齊瞻日月明
夜半玉堂風露寂夢中猶聽鳳韶鳴

和月彥明賦萬歲山

金碧池臺鳳盤遊琪花瑤草玉蓮秋萬年海上神仙島
五色雲中帝子憐寶扇影來開雉尾金爐香動暗螭頭
狀元詩句歌堯舜寫向丹墀獻玉旒

送番陽張小雅之建陽教

陳舜咨

十載青燈照榻寒薦書一紙下臺端有材自合為時用
蚤歲何妨作校官建水灘頭迎劍佩考亭祠下拜衣冠
百年道學淵源在莫厭先生首宿盤

題新安朱氏石房

陳平仲

紫陽孫住紫陽山巖居百年華屋閑穹窰女媧天五色
彷彿老僧雲半閒春雨壁將苔蘚畫秋風門用薜蘿關
西有赤松愛此室駕鴻與君為往還

贈琴僧

鳳出深林龍躍淵聽師為穎復為賢貝多葉動風翻譜
蒼荀花飛雨打絃冰玉不鳴禪定後雲韶俱在佛生前
衲衣秋薄微星冷同上虛堂一榻眠

送江學正之延陵

季子耕鄉接海莎客船東去稔吳歌岐黃學倚官曹重
和緩名居戶版多舐鼎犬閑思碧落獻方龍急突滄波
故園日寫平安報野水春風綠滿坡

贈星翁舒達觀

霜風老槐啼暮鴉旅顏入戶頰如霞清宵屢指蟻旋磨
急景安得龍迴車野飯煮冰客行路寒燈生粟親在家
青春何不把賦筆牡丹開遍長安花

南樓客館卿友燕集

汪復亨

華館高城天一涯相逢正爾似搏沙墻陰綠長魚腥草
樓外紅鮮鳳尾花醉裏不知身是客醒來偏記夢還家
雲帆明日浮滄海却望番禺路更賒

望江亭

余叔容

因過野寺遇閑僧邀我危亭試一凭秋草青山吳故國
夕陽白塔宋諸陵長江檻外流今古喬木池邊歷廢興
猶有荒涼餘景在夜深遙見越州燈

京師即事柬陳衆仲助教

黃誠父

上林雨過御溝肥杏子金黃海燕歸涼月池臺花冉冉

薰風殿閣柳依依玉笙天上迎丹鳳翠幃雲閣導六飛
光範獻書渾未得連環昨夜夢親闈

都門立春

葉仲興

歌徹青陽淑氣回鳳城春色柳邊來萬年枝上東風動
五色雲中顰日開內侍惟分銀葉勝近臣應進玉霞盃
上林已報花先發不待伶官羯鼓催

遊葛仙壇

胡汝為

白雲紅霧鎖仙扉古木蟠空鶴鶴飛丹井草溼翁子去
經床香縹道人歸樓臺視昔代興廢城郭如今人是非
獨往獨回成感慨西風吹桂冷侵衣

簡張立齋

平陸成江斷往還故甘家食掩柴關滿山落葉無行迹
夾路青松有好顏結客恨非燕趙士許身欲在惠夷閒

眼中墜翼爭群蟻頗喜君能未老閑

題弋陽荷湖橋

周彌高

一溪流水隔湖山架石為梁屋數間
光透雲根分半鏡影涵波底結連環
千年鼇背老逾健百尺龍門夜不關
我亦于今題柱客何時駟馬錦衣還

呈張伯廣

建溪郭裏晚相逢握手論心氣誼同
滿圃黃精肥夜雨一林紅杏領春風
故家又得看喬木流水何慙奏古桐
能與正蒙論周易便將長劍倚崆峒

題曹氏嘉會堂

劉光烈

嘉會堂前池水上粉牆朱檻路縈迴
柳邊立馬雕鞍簇花底持觴綺席開
醞酢弟兄思孝友逢迎賓客集英才
人生自盡良時樂易見秋霜入鬢來

贈李道復

王伯益

鞍馬西來氣吐虹名聲一日壓諸公
面陳王霸龍庭上手拔乾坤虎口中
萬戶封侯子房了千金為壽仲連東
可憐峯蔚亭前月倘與狂生此意同

送王高士

墮甌歸來百念空自燒靈藥洗衰容
身為幽冀市中客心在華嵩雲外峯
一片懶衣如畫鶴半盃殘飯勝烹龍
只愁了却松楸事飛入煙蘿不再逢

和程邦民台州見寄韻

趙德元

流水桃花杳不還天台仙子共盤桓
風雲已慶天門近世路從深蜀道難
今日暫為芹泮客他時端作翰林官
捷聲遠聽鳴珂里應有新詩寄歲寒

送汪子中之惠州教

八月西江秋水生故人別我赴官行羅浮月落三更夢
庾嶺雲深幾日程紅樹離離龍眼熟黃沙漠漠馬蹄輕
西風儘有南飛鴈海闊天高也寄聲

送伯温弟之廣東憲

周子震

綉衣使者出南荒蛟鯉潛形蜃氣藏漢節暫披蠻嶺雪
宮袍猶帶御爐香風清瘴海霜天曉雨洗炎洲夜月涼
早晚除書兄手草紅雲須待鴈成行

贈別明善待制

傅子初

金榜當年第一人遠騎驄馬訪生民江南秋老風霜肅
天上春回雨露新並海鹽煙青未了近城芻草綠難勻
歸途剩有關心處細寫封章對紫宸

寄修三史諸賢

仙李摧殘六十秋宸居傳舍幾曾留剖紀北去空亡晉

誓衆南回自繼周江岸喜聞泥作馬海陵難渡渚名牛
今逢萬國爲家日正閏須憑熟講修

贈茅山郎尊師

明月孤巖曉色寒笑騎白鹿下瑤壇袖中三尺龍蛇動
物外一壺天地寬囊括火藏延命錄爐開新試活人丹
功成歸去春無限紅杏東風滿藥欄

嘉興道中
董宗文

入城出城皆石梁西麗北麗遠相望蒲萄新條初上架
銀杏深枝多覆牆
倚石浣紗誰氏子春風回首碧流長

駕幸上都
居庸削鐵壯重關萬歲千秋此往還絕域贄琛通月窟
老人携杖識天顏駝垂寶絡儀容麗象服金輿步驟閑

疎雨洒塵黃道近鬱葱瑞氣曉雲開
贈景雲除翰林經歷

玉堂清切禁垣西引領文星夜聚奎
太液春風陪泛鷁
東華曉日聽鳴雞五經會講咨宸斷
三史成書錫御題

想見從容治平日薇花香透筭班齊
省官宴試闈諸公于滕王閣次總管李子威韻

盛筵勝地憶閣公今日誰知此會同
滿座盡為千里客
一時獨借片帆風花搖絳蠟波光上
甲醮紅螺月影中

醉倚闌干送飛鷺蓬萊縹緲五雲東
送阮仲庠試吏樂平兼簡知州張仲美

貢道父

故家子弟多從吏新進才名總是儒
佇看風濤生羽翼
毋忘歲月校玄朱抱書幕府諸郎秀
退食公庭一事無

問訊樂平張太守我今佐郡愧庸愚

寓清漳寄進士周于一

高鼎玉

日感斯文惠愛心匆匆又動式微吟
西風大柳邊城暮
急雨隨潮斷岸深歸信幾回勞遠夢
離懷惟覺惱秋砧
暫時分手莫惆悵他日重逢定武林

題孫彥芳草堂詩卷

公子閑情傲草堂滿床袍笏映金章
風生蘭砌清吟骨
霧繞芸窗藝篆香喬木分陰籠碧瓦
瑞蓮凝露浴方塘
嘉賓式燕多於此收拾新題入錦囊

題陳氏所藏顏魯公平賊帖 李仲美

平原太守為中興天寶年間苦戰征
一紙遺書昭世代
千年高義表旌陰山虎嘯神兵合
大澤龍跳鬼母驚
一自兩京回玉輦浯溪含笑寫升平

答吳可堂左丞

程子正

中朝元老謝鈞樞家慶雍容綽有餘憲府近從迎養志
水衡新致候安書心同泰宇均函毓迹與浮雲共卷舒
只恐九重深眷注玄纁加壁下安車

四月朔日蝕宛陵作

旭日初升熨絳霄忽生微翳瑞華搖龍迎陽燧光無定
鳳跨春煙綠未銷萬國驚心喧奏鼓九重側席徹聞韶
懸知儆戒生勤恤從此昇平霽聖朝

慶吳閑閑宗師雙目復明

心事從來契窈冥冰爐懸若老逢迎幾年似有雲煙隔
一旦還依日月明重覩殿庭丹陛遠更瞻霄漢泰階平
時和主聖身長健不待求仙渡海瀛

送穆宗禋憲郎調閩

東南都會七閩關千里春風送珮環自昔鷗鷺思遠化
祇今獬豸侍清班檳榔菜老行人醉荔子枝酣暮雨閑
公暇定應多好句便郵還寄敬亭山

上叅議烏古孫幹卿

祝賓于

中書謀議佇賢才帝遣皇華一使催霜到南溟清八郡
星還北斗伴三台寒膏介冑朝天燭暖葢胚胎入鼎梅
釀得泰和疑聚後武夷山色望歸來

秋風

閩闔西來忽在茲塞鴻江燕又參差庭中落葉明皇曲
水上行雲武帝辭晚影疎林飄鶴毳暗塵空屋拂虫絲
洛川滿眼涼波起鱸雪紛然到客思

秋水行舟

厭滌秋塵馬上杉清江喜見舳艫街菊潭盈水香凝棹

秋浦驚飈雲上帆錦綉鷺群鷓鴣好戈矛魚隊鷺鷥饒
雲蓬一夜看花夢清曉芙蓉拆數絨

寄浙省郎中崔伯恭

紫薇香月澹金波幕下嘉賓德可歌
獬豸庭前冠角峻鳳凰池上佩聲和
瞻天牛斗星辰閣按地東南郡國多
相業定歸崔祐甫人材八百合蒐羅

春日泛舟

黃中玉

溶溶遠日蕩湖光魚筍迎舡燕語橋錦纜
畫牽楊柳岸玉簫風遞水雲鄉
重洲樹色侵空闊別浦人煙隔渺茫
醉裏扣舷歌白苧不知零露濕衣裳

遊荷溪作

馬子尚

公岡度壘小商羊為愛荷溪景物長
煙鎖翠厓蒼玉瘦雲迷石室紫芝香
一泓水護真仙跡半畝苔封古剎場
薄莫暫依林下寺山僧面我說空王

舟次廬陵

祝彥祥

已過豐城望吉安畏途如在白雲閒
詩翁酌酒行虛市舟子牽舡上急灘
時估偶從親故問家書難定幾時還
性靈何處堪陶寫一時吟安破旅顏

送危方逸之京

查廣居

石門江上送危郎好上神京北斗傍
漢代文章須賈馬周家道德並虞唐
柳林馬過沈雲黑沙磧駝鳴落日黃
為計遊程二千里朔風吹雪正茫茫

幽居春夕偶書

葉景南

酒中勲業腹中書左列琴張右設棋
清睡更無塵世夢高情惟有故人知
迎軒廣種巢雲樹當戶頻刪礙月枝
幾度醉眠花影密唱歌歸去半醒時

讀諸家詩喜甚而賦

曹劉風度羨嬋娟江左丰容色皎然工部胷中懸日月
翰林筆下走雲煙辭源古澹陶元亮句法清新白樂天
宋世歐蘇諸子出淡粧濃抹愈清妍

題友琴堂

疇昔知音託久要同聲相扣更同條嗟予無用頭甘禿
顧子多材尾亦焦七尺身長形固羨兩翁調古腹空枵
何當共坐虛簷下握手論心到月高

次衛本憲使紅梅韻

本是孤山雪裏花朱唇得酒改容華貪勾南國佳人面
忘却西湖處士家一種暗香凝夜月十分嬌韻醉晴霞
鄰牆艷杏誠非伍須信南人語未差

復次前人綠萼梅韻

老兔春香細擣霜更添藍澱越風光喚回庾嶺春風夢
淡出羅浮月夜芳日莫冰魂啼翠袖雪殘玄髮舞霓裳
近來姑射梳粧別說與林逋合斷腸

讀金中字詩

珠玉篇章語不凡宋唐佳句晉清談雲分霞彩流銀漢
月借波光下石潭老鶴唳霜棲未穩孤鸞對鏡舞初酣
直從瘦島推敲後今度詩人數二三

喜余仲揚陪樞掾俞公芳催兵海道歲晚遠歸
羽檄催軍歲晚歸海南消息定何如腰閒雖少封侯印
囊底應多盪寇書越水閩山牽舊夢蠻煙瘴雨襲輕車
短衣死馬男兒事莫戀立園月下鋤

九日感懷

吳風初冷水痕收塞鴈南飛度遠洲歲月無情天地老

江山不盡古今愁黃華謾引盃中物白髮空驚鏡裏秋
却笑桓温清醺後終然無夢到神州

庚子雪中

跨鶴仙人下太空散花天女盡嬪從冰輪玉輦三千里
羽蓋銀屏十萬重海上有山皆霧縠人闌無屋不雲封
凌寒直上岑巒望月到芙蓉第幾峯

梅魂

飛入羅浮舊路遙東風回首思寥寥玉容猶想霜晨沐
冰魄空疑月夜招望斷西湖春易老夢回南國雪初消
枝頭有恨無人見瘴雨蠻煙屬艾蕭

題鴈飛鳴宿食圖

半幅瀟湘慘澹容暮煙衰雨過關東啄殘秋黍荒田月
叫斷寒雲古塞風兩岸孤蒲驚曉夢一竹書札寫晴空

玉樓應悞凭闌女猶望音塵夕照中

立春值雪

東風吹雨不能晴散作園林萬玉英似借玄冥三臘瑞
併為青帝一朝榮驕驄已阻迎春興短棹頻添訪戴情
彩燕金釵非我事旋收雪水貯銅餅

七夕

鵲橋橫布彩雲低銀漢迢迢玉漏遲俗子謾祈中夜巧
老夫甘抱半生癡天邊牛女相逢夕殿上王妃私語時
舊日馬嵬山下月清光今復照蛾眉

和李景元盤中歸隱圖韻

利名場裏是非堆已被斯人一掃開收拾煙霞歸月塢
不將姓字上雲臺文章痛惜昌黎死猿鶴驚呼李愿來
二老不逢盤欲寂林泉清賞子為魁

讀屈原傳

大夫寵辱兩無求
憔悴多因為國憂
漁父豈知宗社計
楚王不遺子孫謀
忠魂冷浸寒江月
芳骨深埋古澤秋
幸有獨醒名字在
不藏魚腹壘糟丘

碧筒飲

荷葉仍將竹葉傾
藕花深處快平生
春浮玉醕和香吸
露重金莖帶月擎
仙掌影寒珠破碎
詩腸得酒句崢嶸
摩挲醉眼秋風裏
笑鄙沙頭雙玉瓶

贈琴女尤長於棊

懶上天孫織錦機
閑舒纖手理琴棋
非圖指下鶯聲巧
要悟人閒虎穴危
河路子稀星耿耿
陽春調古月遲遲
孤鸞一曲東風裏
除却相如不汝知

題方華卿竹處亭

負郭為廬小葺闌
透闌春色萬琅玕
直叅雲去千尋碧
微引風來四座寒
月影掃階驚鶴夢
雷聲鞭雨動龍蟠
坡翁去後無知己
誰復敲門倚杖看

江樓登覽

峯下煙鬟倚翠樓
長年來此豁吟眸
山高不礙閑雲過
江闊從教逝水流
瘦影踈行初到鴈
舊盟新好耐交鷗
登臨王粲知安往
斷靄荒煙幾度秋

赤壁泛舟圖

蘇子乘舟赤壁遊
舟中與客細賡疇
天才妙矣無人敵
斗酒歸而為婦謀
橫槊賦詩殊醞藉
舉盃酌月更風流
古今文士姦雄輩
零落同栖土一丘

擬呈金指揮

將軍丰彩凜高秋
氣壓東南十數州
勅敵望風知退避

遺氓無日不歌謳
曾中韜略侔孫武
江左聲名數仲謀
千載日磬呼不返
耳孫今日更風流

九日東籬會飲

天高霜重鴈南飛
風颺江村賣酒旗
籬落盡開元亮菊
賓朋咸賦少陵詩
數莖白髮經秋短
一片青山過雨奇
笑口頻開能有幾
盃行到手莫遲遲

晚涼池亭讌坐

濃綠重重鎖碧苔
黑甜幽夢晚方回
竹分瘦影橫琴榻
荷遞芳香度酒盃
半捲疎簾容月入
輕揮團扇引風來
好大涼夜清如水
人在瓊樓白玉臺

辛丑重午

柴門無艾插蓬蒿
石鼎清茶勝濁醪
惟有我嫌崔烈臭
更無人道屈原高
飫餐角黍醞荆俗
靜對爐熏讀史騷
千載獨醒名不朽
看人酣飲醉陶陶

層樓遠覽

我來登覽上層樓
樓外寒煙萬頃秋
江闊空流興廢恨
山高不礙古今愁
雲拖暝色歸荒嶠
潮帶波聲過遠洲
俯仰乾坤千載事
夕陽無語下巖丘

金山寺

釋夢堂

名墨墨

崢嶸兩岸市鄽開
愛靜人尋此處來
水底有天行日月
山中無地著塵埃
塔擎燈影明雲杪
舡載鐘聲出浪堆
自喜平生有仙骨
好風吹上妙高臺

題杭州報國寺儀鳳軒

濤江之上清崔嵬
山勢遠從天目來
錢氏豈能當王氣
郭生端復是仙才
光搖海旭九苞動
影拂雲霄雙翅開
為我翩然覽輝下
一軒著此亦宜哉

題飛鳴宿食鴈圖

釋元叟

名端

年去年來無定年，中郎何處有書傳。
影橫薊北月連塞，聲斷衡陽霜滿天。
雨暗荻花愁晚渚，露香菰米落秋田。
平生千里與萬里，塵世網羅空自纏。

題金山寺

釋中峯

名本

半江湧出金山寺，一簇樓臺兩岸舡。
月到中宵成白晝，浪翻平地作青天。
塔鈴自觸微風語，灘石長磨細浪圓。
龍化楚人來聽法，手擎珠獻不論錢。

賞心亭次韻

釋笑隱

名訥

碌碌從人愧抱關，賞心應共鶴飛還。
孤舟野水東西渡，落日長懷遠近山。
神鼓乍喧香霧合，賓筵初散綠陰閑。
相思只尺長相隔，一似河流九曲灣。

送郭幹卿學士赴奎章閣次趙魯公韻

歲晏俄聞上國行，安車可是暮年情。
早朝翠霧沾衣濕，夜直銀河入座清。
社稷憂勤霜髮短，江湖歸夢釣絲輕。
相携不盡丁寧語，歌斷驪駒白下城。

送笄子敬之蒼梧尹

簡書深念遠人安，出宰蒼梧選上班。
墟市穀登秋社早，津亭枿靜晝陰閑。
島夷德被唐虞世，鄒魯風移桂象閒。
奉詔遺祠躬謁奠，忍看叢竹雨斑斑。

送太禧宗禋院照磨觀志能監造御麩還朝

宗禋從事擬分曹，卷耳誰怜我馬勞。
犧象雲雷陳柅鬯，鷓夷風露出蒲萄。
周廬入直天光近，待漏隨班斗柄高。
此去便鴻傳好語，雲中錦字認揮毫。

次韻王繼學侍御東窓看山

繖茫翠浪寫青瑤，木末斜分鳥道遙。
雲斂江亭初過雨，

月明津樹欲生潮
厓根橘柚知誰種
礪曲茅茨許見招
不羨東山勢
妓看堆盤
繪玉映紅消

客中除夕

釋宗海

名元

瞬息光陰赴壑蛇
遲留此夕尚天涯
三更孤枕兩年夢
四壁一燈十里家
是處送窮驚爆竹
巡簷索笑看梅花
明朝甲子須新曆
後飲屠蘇莫嘆嗟

送康上人之京

釋楚石

名梵奇

花隔深宮柳拂墻
少年仍值好春光
風飄玉珮縈雲曲
日射金鑪夾道香
一色樓臺天蕩蕩
九衢人物海茫茫
篋中舊筆金零落
猶記題詩鳳沼傍

寄杭州許萬戶

釋立中

名元本

八月錢唐蜃氣紅
守江諸將謾論功
遐荒未盡歸王貢
南海初聞奉使通
帥閫旌旗底白日
山城鼓角起悲風

不須弔古追前事
秋草離離滿故宮

富春歸隱圖為鐵雅先生賦

小橋流水隔紅塵
亦有漁郎來問津
要路只聞收壯士
好山還許住閑人
每思李愿歸盤谷
獨愛嚴陵老富春
便擬采芝歌隱曲
白雲紅樹漫為鄰

泊雙井亭有感

涼颿微動水雲收
瀟鷺無聲泊處幽
露落梧桐雙井冷
月明砧杵萬家秋
貪歡盡醉吳姬酒
長往誰同范蠡舟
最憶多情鄭司馬
琵琶和淚上江州

送趙愈憲還司

執簡曾趨玉几傍
繡衣猶帶御爐香
九重哀詔蘇民瘼
一道激清肅憲綱
興學已尊周禮樂
好賢多紀漢文章
鯨濤已息豺狼伏
歸騎西風滿路霜

題天馬圖

釋古明

名靜慧

八尺飛龍十二閑飄飄來自崑崙山曾陪八駿崑崙頂
肯逐群雄草莽閒落日倒行悲峻阪西風苦戰憶重關
拂郎可是無新貢天步于今正險艱

深秀亭暮春述懷

釋蘊中

名志慶

空庭雨濕聚華茵回首東風憶遠人玉砌香銷行跡斷
雕闌吟徹別愁新樓臺半是前朝景桃李都承舊日春
歸燕多情還戀主銜泥雙拂畫梁塵

次李菊莊韻

十二行窩取次游道人處處任風流草衣疎散乾坤老
蓆帽飄蕭湖海秋太白狂歌沽酒館元龍高卧讀書樓
相思兩地同明月南北誰云異馬牛

春日西湖懷古

釋道原

名宗衍

錢唐父老眼看天破國猶能話昔年江草忽嘶關北馬
風帆不返海南船空陵落木無人掃廢苑餘花只自妍
此日西湖回白首功名若箇在凌煙

秋興

一別空山舊草亭衣裳五見點秋螢沙沈短艇餘菰菜
苔卧長鑱老茯苓弱水蓬萊那可到瞿塘灩澦不須經
歸帆早晚吳波裏嫋嫋涼風望洞庭

題仙山樓觀國

琅玕珠樹隔煙霄仙子樓居積翠遙羽化夢驚玄鶴返
丹成身與白雲飄杖隨麋鹿山深淺釣掣鯨魚海動搖
想像虛無圖畫裏秦皇漢武若為招

羨東鄰陳隱君

東鄰一叟髮如銀每誦嘉言勸社民但使閭閻能盡聽

何愁風俗不還淳諸僧屢問維摩疾父老深嗟曲逆貧
誰識此翁安樂處乾坤無愧百年身

送王尚書轉漕還京 釋裕之名智寬

白髮蘭臺老鄭崇野人爭識舊乘驄青冥斧鉞來南國
碧海樓船駕順風夜指星樞天直北曉瞻雲氣日華東
趨朝正及端陽節細葛承恩出漢宮

送王景華道士之京

羽客思歸尺五天雙鳧直上紫雲端玉簫聲徹春空迥
寶劍光浮夜月寒夢入瑤臺香冉冉步趨青瑣佩珊珊
奉顏重進長生錄南極星迴太乙壇

南屏雨中

釋古鼎

五月雨聲連六月南屏雲氣擁柴扉林巒有穴山精出
巖谷無人石燕飛詩句偶從行處得家鄉多在夢中歸

曉來杖策湖頭去春水溶溶沒釣磯

送王宗禮尚書趣運還京 釋大章名曇煥

轉海雲濤萬里賒長風指日望京華南州已入諸侯貢
北極初回奉使槎內燕宮花迎馬酒御溝官柳拂龍沙
從容好奏安時策還見車書混一家

次韻荅慈元恕

茅屋住在清江曲瀟灑渾無俗客過流水自懸春藥碓
落花閑度煮雲鍋不耽玄石三年酒只賦梁鴻五噫歌
退食歸來塵事少舊遊回首隔風波

虎丘寺 釋斷江名思

東西兩寺今為一有客登臨見斷碑剝水殘山王伯業
苦風酸雨鬼仙詩樓臺半落長洲苑簫鼓時來短簿祠
盤郢魚膠不知處轆轤千尺響空池

題漢元帥別業

釋仲銘

名克新

海國元戎髮未斑歸來拄笏看青山
田園暮景煙塵外
臺榭春風錦繡閒
桐影連溪鷗卧穩
桂香吹月鶴飛還
碧尊絲鱸黃花酒
時向樽前一解顏

送劉侍郎還京

早抱遺經進講筵
獨於清禁著先鞭
封章獻納星辰表
簪筆追趨雨露邊
戎檄久推唐陸贄
使槎今識漢張騫
鶯啼上苑還京闕
夜半深宮席更前

送除上上人之武林

雪花飛送浙江舡
歌斷驪駒一惘然
荊棘銅駝淒暮雨
樓臺鐵鳳墮秋煙
遼東鶴返塵生海
石上人歸月在川
回首下橋楊柳外
水光山色共晴天

送王尚書還朝兼簡張學士

文采丹山一鳳毛
是藩徵饒獨賢豪
飛帆轉海南風正
曳履趨廷北極高
花擁御筵歌湛露
香浮宮甕賜蒲萄
朝回為報張燕國
莫把新詩奪錦袍

奉寄張蛻菴承旨

釋見心

名來復

東觀蓬萊紫翠閒
五雲飛遶珮珊珊
宮中夜賜金蓮炬
天上晨趨玉笋班
老去乞身思故里
閑來隨意宿禪關
茗花溪水春如酒
何日誅茅旁碧灣

題許氏環翠亭

繞亭萬竹碧琅玕
每共高人賦考槃
谷引清風時作籟
座圍蒼雪晝生寒
芭蕉葉大題詩到
芍藥花濃把酒看
欲掃綠陰分半榻
南歸還與問平安

寄東主一都事二首

宦遊隨地問耕鋤
占斷湖山十畝居
天北故人来遠信

浙東從事拜新除休嗟祿薄生無計但得身閑樂有餘
飽啖黃精一十石蓬萊何日候仙車

瀟洒茅堂傍釣磯春山擁座翠成圍已知地僻幽棲穩
莫笑官閑生事微五柳門前陶令醉百花潭上杜陵歸
古來言行關榮辱好向風塵蚤息機

芝軒中丞以詩見寄次韻兼謝二首

山擁蛟門海氣陰蓬萊北望獨關心天開日月明黃道
地接風煙暗綠林去國益懷三獻玉歸田誰散二疏金
卧龍有策終扶漢莫道空為梁父吟

執法南從越絕居綉衣光彩照坤輿黃金遺子無私橐
白髮匡君有諫書遠捷捷飛江上羽群兇真作釜中魚
歸朝定策中興業笑我山林與世疎

送宋處仁還山

布衣不換錦衣榮華蓋南歸問草亭地接漢江連楚白
天連廬阜入具清山中病起論丹訣池上閑來寫石經
自是廣平心似鐵梅花早勒歲寒銘

題許仲孚梅桂軒

讀書閑向草堂留梅桂聯芳托地幽雪後花園東閣曙
月中子落廣寒秋冰枝橫影林塘合金粟吹香几席浮
定約逋仙騎鶴去淮南更共八公遊

送危伯明教授歸臨川

東風鼓拖別龍灣分教南從汝水還萬卷有藏知學富
一官無絆喜身閑櫻桃換帖尋常寫首荷堆盤取次食
講罷諸生仍雅集峴臺携酒看青山

答龍子高都事見寄二首

聞說移家水竹西雲松風竹共幽棲每邀賓客談詩飲

不恠兒童索飯啼，荷笠春還耕水壤。連筒曉汲灌蔬畦，
充盤每欲分清供。更喜雕胡似掌齊。

舊築草堂鳴鶴落，雙峯每憶共登臨。湖船春水看花渡，
山屐秋風倚樹吟。林下栖遲聊寄跡，人閒興廢不關心。
別來懶慢孤清賞，坐聽松濤萬壑深。

奉東彥明中丞兼寄伯防工部二首

南遊兵越北青徐，歷覽名山十載餘。醉解驩驩留客飲，
賦成鸚鵡課兒書。辭官共喜全高節，避俗寧愁久索居。
自喜多才爲世用，長楊諫獵重相如。

荊楊烽火接南徐，郡邑頻年戰伐餘。諭蜀謾傳司馬檄，
平蠻誰賜尉陀書。公私征斂多乖治，民庶流移少定居。
憂國早知心獨苦，秋風兩鬢雪霜如。

奉寄月彥明中丞

三月扁舟渡鑑湖，棟花風急雨晴初。共知出處心無愧，
自信經綸志未踈。海上雲霞明繡斧，人間奎壁煥圖書。
中興近報王師捷，徵詔行看下玉除。

東趙子仁僉憲

青雲闕閣重儒林，奉詔恩承雨露深。直諫摠驚冠有芴，
清貧不訝橐無金。邊庭此日勞經略，泉石何時共賞心。
貽我新詩看獨好，寥寥風雅奏遺音。

奉東周伯溫左丞鄒本初樞密二首

學士風流王雪標，蚤陪鳳輦聽仙韶。光分蓮炬從天下，
香帶爐煙近日飄。書擬漢秦誇二篆，史脩南北見三朝。
承恩曾記東來日，繡斧光華擁使輶。

別來鄞海重相思，滿目兵塵歎亂離。寒製綠荷聊禦臍，
晨炊黃獨謾充飢。廬山誰問東林社，嶽麓新傳北海碑。

多謝高文賁泉石虹光白日走蛟螭
賀蘭公子鄔僉書蚤握銀符贊上樞材屬經綸思稷契
兵知合變說孫吳春吟茂苑花園座夜醉宮船酒滿壺
遙憶別來今七載每煩傳語到慈湖

題趙彥徵溪山小景圖

曾泛苕溪看晚霞紅簾小艇穩於車水通孤岸橋依竹
路入重林屋傍花風外眠漚驚客笛雲中吠犬隔仙家
秋波千頃芙蓉老誰覓王孫舊釣槎

賦得雲山送趙本初歸越

致政東還荷聖君卧遊此地絕塵氛千巖樹色高低見
六寺鐘聲遠近聞藥碓曉鳴丹井雨酒船春泛鏡湖雲
青鞋未得從吟嘯遙望耶溪惜袂分

送胡文善之官海陵文昌縣二首

瓊州南去海冥冥婺女垂光應地靈洞入朱耶瀧水白
山蟠黎母瘴煙青郵炊每食桄榔麵蠻賦多輸翡翠翎
定有遠人歌善治風謠紀德重鐫銘
九域于今惣一家文昌誰道隔天涯石榴紅釀蠻江酒
海漆香收瘴洞花寨上人耕春作市棠陰吏散晚休衙
蘇公應共題詩好儋耳泉頭駐小車

藥菴贈四川楊處士

一菴近與葛洪鄰多病應同藥裏親煮石煙寒金澗曉
燒丹火暖翠房春枇杷雨綠開花早枸杞霜紅結子新
架上閑來看本草秘方留待著書人

題徐全仲愚軒

疎慵閑託草堂身甘與柴桑近結鄰棄智自全惟用拙
治生無術不嫌貧穢尊任比溝中斷燕石徒誇世上珍

薄俗可憐今尚詐好敦直道慰斯民

西園雅集圖為劉子高題

熙寧諸老賦清遊雅愛西園樂事幽
文物盡誇唐制作
衣冠渾識晉風流酒醒花裏盃仍酌
棊罷松閒局不收
藉有高人論世外蓬萊堯率更何求

題姜用晦璜溪漁隱

營立勛業起家聲放意滄浪託此生
一笠獨垂溪上釣
萬鍾誰問世間名霜紅魚鱗秋醪熟
水黑菰蒲夜火明
只恐非熊重應兆却將英略佐時平

送錢子輿調官還越中二首

除書新拜荷明君祖別春筵采泮芹
食玉未從仙老試
賜金應與故人分潮艇夜渡娥江月
山屐晴探禹穴雲
龍節虎符勛烈舊過家先讀表忠文

脩髯如雪面如丹
芟製新成野服寬
擬訪季真期卜宅
却從靈徹話休官
霜紅柿葉尊前寫
月白荷花鏡裏看
有約沃洲騎鶴去
卧雲不畏碧山寒

贈樂生謝我同道士

早謁虛皇衣紫綃
禮嚴秩祀久趨朝
署班天上隨龍節
按曲雲閒聽鳳韶
丹煉芙蓉金作鼎
露食沆瀣玉為瓢
冥觀萬象誰同我
便欲因風遡沈寥

荅杜壺臣見寄

燕溪地僻民風古
此處怜君早賦歸
花底壺觴朝勸酒
樹閒燈火夜聞機
丹經舊校封靈檢
鶴氅新裁禮太微
漱石枕泉吾乃願
不妨吟賞共巖扉

次韻趙子將提舉秋興二首

世皇開國鎮灤河
重譯來賓玉帛多
圖治每能崇禮樂

防邊無復事兵戈山營首藉肥驄馬沙苑蒲萄貢橐駝
垂統直令傳萬世誰云歲月漫蹉跎
絕漠風高雨土沙五雲何處望京華南征尚阻勤王貢
北泛頻勞奉使槎潘將戈舡遙蔽海國人弓馬舊為家
洗兵會有承平日社稷安危不用嗟

次韻奉謝芝軒中丞

辭官不住越山陰慷慨常懷濟世心諫草舊聞通紫禁
宮花曾憶燕瑤林傳家喜有春秋筆儲橐知無暮夜金
此日東遊真汗漫滄洲明月聽龍吟

寄柬玉山處士

浮玉山前種紫芝松蘿雲月共幽期封侯不羨黃金印
對客長歌白雪詞柳浪平湖春放棹花陰圍座畫彈棋
從游公子多才俊不寄新詩慰別離

遊石湖蘭若二首

荷花蕩西湖水深上有蘭若當高岑客吟時見猿鳥下
僧定不聞鐘磬音雨香秋林楸子熟雲落空磻棠梨陰
閒來掃石坐竹裏靜與山人論素心

五龍之峯雲作屏雙崖削出芙蓉青何人磻裏拾瑤草
有客松閒尋茯苓林風不驚虎卧石山雨忽來龍聽經
吳王臺榭今寂寞秋香薜荔花冥冥

寄察士安廉使時留閩新除侍御史

曾憶乘潮過浙東蛟門南別苦匆匆舟行越水荷花白
馬度崗山荔子紅闕下有人傳諫草天邊無使問飄蓬
湛恩新拜烏臺召只尺蓬萊雨露通

題倪左司遠遊詩卷後家有疑翠軒

文獻家聲五百年宦遊南北歲時遷藁城譜牒傳今古

華省勛名起後先，芍藥紅雲趨幕府。
芙蓉綠水放湖舡，公餘坐對吳山好。
疑翠吟來第幾篇。

遊南郭園林贈胡處士

家住南園溪上村，絳桃青柳煖雲屯。
郭公啼樹山圍屋，艇子看花水到門。
春隴望鋤邀父老，夜窓燈火教兒孫。
也知安定風流在，圖史從君得細論。

寄胡子立御史兼簡張仲舉承旨危太樸左丞

陳子山中丞三首

文章御史羨風儀，落落聲名上國知。
甌石無儲寧戀祿，齟齬有術欲匡時。
繡衣行郡瞻烏府，玉珮朝天集鳳池。
更喜澹菴家學在，好陳封事濟艱危。

白髮河東老翰林，虛遊天地寄閑心。
尊王曾屈權奸議，愛國長鳴治世音。
越水雲霞勞夢想，燕山風雪倦登臨。

蛻餘仙骨清如鶴，獨倚齧峯待月吟。

臨川別久重相思，最憶中丞舊所知。
道德摠交天下士，經綸真作帝王師。
兵戈滿眼歸無處，巖穴論心定幾時。
藉是壯遊窮朔漠，南冠一任北風吹。

送馬易之編脩泛海北還

挂帆遙發海東城，十日南風萬里程。
神火晝從雲外降，文星夜入斗閒明。
篙師有喜天山近，颶母無驚海水平。
想得到京秋正好，蓬萊獻賦頌河清。

煙雨堆為東吳慈上人賦

微茫竟日混晨晡，寒入袈裟島嶼孤。
暝色半空迷鴈鷺，秋聲一片落菰蒲。
浮沈已悟福生滅，渾沌寧知世有無。
定起忽看東海白，天雞啼曉浴金烏。

送榮首座還日本

揚帆八月駕長風直遡扶桑碧海東
雲窟潮翻銀甕白
天門日擁火車紅
蝦夷覓偈迎沙島
龍伯分齋銀水宮
應有國人來問訊
散花園座聽談空

至京

黃道大清擁珮珂
東南王氣秣陵多
江吞彭蠡來三蜀
地接昆侖帶九河
鳳閣曉霞紅散綺
龍池春水綠生波
華夷混一歸真主
端拱無為保太和

題黃鶴山王理問竹石圖

黃鶴山中黃鶴仙
寫來竹石萬人傳
秋波影動珊瑚月
空谷寒生翡翠煙
拂地清陰虛冉冉
摩雲高節淨娟娟
身閑使北封君祿
千畝何須賦渭川

梅竹齋為清江隱者題

山齋高隱寄閑情
竹友梅兄喜更清
花放早春魁獨占

根移醉日種皆成
千林雪月羅浮影
四座天風嶰谷聲
但使歲寒高節在
色青何必論枯榮

古村為曹簡伯賦

好古依時早結鄰
巢居似是葛天民
山川惣在鴻荒世
草木猶含太古春
利祿不謀生計拙
農桑自課俗風淳
可憐城市多機巧
只合茅茨樂此身

贈嵩陽邢道士善音律

嵩陽道士氣如虹
飛旆翩翩過剡東
醮斗有靈封綠檢
步虛無譜按黃鍾
金壺爛醉瓊花月
鐵笛橫吹玉樹風
一曲霓裳空解聽
仙遊誰到廣寒宮

雲谷為朝天宮湯道士賦

治城仙館淨無氛
煉魄閑棲谷裏雲
氣挾風雷通窈窕
香隨芝朮散氤氳
傳書鶴去山長暝
採藥童歸路不分

遙覓張公種梨處石門深鎖白紛紛

鳴齋爲崆峒李文學題

春入崆峒暖氣回無邊生意動枯菱半天風挾河流落
九地雷翻蟄戶開金石常時聞雅奏絃歌終歲樂英才
梧桐繞座花如雪應見朝陽鳳鳥來

學古齋爲四明鄭士淵題

插架何妨積萬編惟存古道樂閑年玄文盡付忘言外
太易須探未盡前商鼎傳家微有識虞琴挂壁久無絃
巢居謾笑謀生拙要使民風似葛天

題臨川徐將軍忠節詩卷太史王伯達銘其墓

埋玉深居汝水東鐵衣誰洗血痕紅朝廷已錫褒崇爵
鄉井猶傳保障功北史文章留故碣南州譜牒識高風
遙知祠屋鄰華蓋丹荔蕉黃感慨中

早朝賜坐

蓬萊雲氣濕袈裟召對丹墀日未斜膳部別分香積飯
龍團勅賜上供茶但知魔佛生同劫復喜華夷混一家
山野自慚無補報散花祇樹讀楞伽

寄簡翰林歐陽圭齋先生

先生道德簡宸衷帝業應多黼黻叨前席屢聞徵費誼
安車重見起申公三朝筆削垂青史一代文章變古風
遙想鰲山春色好蓬萊天近五雲紅

寄邵庵虞侍講先生

南歸華蓋看芙蓉白苧青鞋野興濃道德三朝禪聖治
文章千古振儒宗閑情澹似雲中鶴老氣清如雪後松
幾憶草堂邀月賦梅花夢覺五更鐘

白牛爲日本純上人賦

畊雲不住海門東
收向楞伽小朶峯
露地已忘調伏力
雪山誰識去來蹤
放歸祇樹隨羊鹿
種就曇花伴象龍
一色天闌頭角別
水精池沼玉芙蓉

一夢老人爲越蓬萊山胡隱君賦

高卧蓬萊最上峯
希夷獨許往來同
三生風月形骸外
百歲乾坤寤寐中
槐樹雨涼秋袂薄
梨花雲煖夜床空
黑甜自足平生願
不啻東窓曙色紅

鄞湖奉簡賈德舉天使

黃塵歲月苦駸尋
激烈長懷報主心
五色雲中頒使節
九重天上奉綸音
吏迎官驛蒲萄熟
馬度秋營首著深
解后相逢東海寺
漚波千頃共清吟

奉答杜堯臣知事見寄

東越論交今十載
與君來往各殊方
歸田祇愛幽栖好

傳世徒誇姓字香
藥碓寒春山雨急
釣船晴逐浦雲忙
立園自足容疎放
只恐徵書下帝傍

泊安慶城

釋法智

浮圖高出暮雲低
雉堞連陰碧樹齊
茅屋人家兵火後
樓船鞞鼓夕陽西
大江千里水東去
明月一天烏夜啼
欲酌忠魂荒塚外
白楊秋色轉淒迷

送僧遊廬山

匡廬峯色碧嵯峨
送別因思舊所過
石上藤蘿明月小
水邊茅屋白雲多
衲衣高掛長松樹
茶臼頻敲古磬阿
亦欲從游那可再
盡將離思付江波

挽潘侯

五馬蕭蕭杳莫追
訃音驚報羽書馳
死生實戴君恩重
清白無慚國士知
三獻玉憐和氏泣
七哀詩感少陵悲

大江千古流清淺難瀉邦人去後思

送楊治中例免北歸

楊節齋

不及瓜時謝政還雖筵草草送歸鞍將身許國心元壯
立事無功興易闌萬疊雲山孤劍晚一鞭風雪短亭寒
馬亦依舊長安道未是人閒行路難

花落寄石子章韻

蘭麝香消委廢宮紛紛漠漠夕陽中長門夢斷金閨月
南國歌殘玉樹風流水池塘春色去綠陰庭院彩雲空
西園半醉休回首煙草萋萋雨正紅

出招遠

西出山城入暮雲簿書才罷又風塵草迷石徑蛩聲切
雨過沙岡鹿跡新未息世機還舊隱剛隨時事役閑身
浮生休問誰辛苦看取邯鄲陌上人

鶴骨笛

無名氏

九臯聲斷楚天秋玉頂丹砂一夕休枯朽挽回生死調
淒清吹盡古今愁魂歸遼海身如寄曲破江城月滿樓
惆悵主人三弄罷杳無消息到揚州

天燈

高掛長繩百尺餘直牽紅焰上天衢一色春髓蒸元氣
九轉靈丹煉太虛綵鳳抱成吞日卵赤龍銜出照天珠
高高不受飛蛾撲長使凡人仰面吁

車中女

青青帷幄映彤車淺露新粧不自遮繡帶垂膺明彩鳳
燕羅帕首護雲鴉青夷關外東風柳丞相園中上日花
亦有鸞鞭年少者雕鞍並坐是誰家

文翰類選大成卷第六十二

國朝 文翰類選大成卷第六十三 七言律目錄

劉基 五首	宋濂 二首	詹同 一首
張紳 三首	梁寅 五首	張憲 八首
樂韶 三首	張籌 一首	郭奎 一首
徐穎 一首	王律 三首	揭軌 十九首
謝蕭 一首	魏觀 二首	陶誼 五首
張壁 一首	吳括 九首	王嘏 三首
陶宗儀 二首	金思誠 二首	元宣 十八首
吳彥貞 計五	夏煜 一首	吳琳 二首
楊訓文 四首	蘭以權 二首	李質 一首
吳植 二首	吳去疾 二首	王佐 三首
貝瓊 二首	吳志淳 四首	李頤 三首

滕毅一首

彭鏞一首

孫炎一首

顧祿四首

林洵二首

宋璩一首

劉仔肩一首

文翰類選大成卷第六十三七言律目錄

文翰類選大成卷第六十三

左長史上海李伯璵編輯

伴 讀慈谿馮厚校正

詩類七言律

國朝

二月二日登樓

劉基

薄寒疎雨集春愁
愁極難禁獨上樓
何處山中堪採藥
幾時湖上好乘舟
銜泥客燕聊相傍
泛水浮萍可自由
見說蘭亭依舊在
如今王謝少風流

次韻會稽音上人

絕頂浮雲瑣石關
曲途危磴阻躋攀
他年甲楯孤臣泣
此日齋鍾老衲閑
夜永星河低半樹
天清猿鶴響空山
干戈未定歸何處
擬結茅廬積翠閒

侍宴鍾山應制時蘭州方奏捷

清和天氣雨晴時翠麥黃花夾路岐
萬里玉關馳露布九霄金闕絢雲旗
龍文騾褭驂轅駱馬乳蒲萄入羽卮
衰老自慚無補報叨陪儀鳳侍瑤池

搖落

搖落江天氣慘悽野黃雲白感東西
可憐飢鼠當人立無奈寒鴉向客啼
杳杳夕陽葭浦闊茫茫秋水稻田低
銷魂何地歸衰疾觸處煙塵沸鼓鼙

寒夜

月上前山夜寂寥江城鼓角啟寒宵
魚龍水落滄溟靜鴻鴈聲來紫塞遙
送風物自應隨律轉霜髯爭得見春消
青釭冷暗愁眠怯樓外頻移北斗杓

走筆送金賢良

宋濂

飄零已覺二毛侵且向西風問苦吟
蛭雨蠻煙十年夢龍韜豹略一生心
星垂鍾阜知天近水入秦淮覺海深
不是秋帆連夜發典衣沽酒共登臨

送翰林編脩張仲藻還家畢姻

少年歸娶奏金鑾喜得

天顏一笑看紅錦裁雲朝奠鴈紫簫吹
月夜乘鸞靈椿堂上承中饋寶鏡臺前
結合歡從此梅花消息好青綾不似玉
堂寒

春日駕幸鍾山應制

詹同

大駕春晴臨寶地鍾山老翠擁金仙
瑤花如雨三千界紫氣成龍五百年
風送香煙浮袞服池涵樹影拂青天
詞臣侍從何多幸安得詩才似涌泉

湖中玩月

張紳

銀波千頃照神州此夕人閒別是秋地與樓臺相上下
天隨星斗共沈浮一塵不向空中住萬象都從物外求
醉吸清華遊碧落更於何處覓瀛洲

送勤上人歸靈鷲山

靈鷲禪房我所思可堪春晚送勤師半山啼鳥煙霞裏
一路落花風雨時定有猿看窓外果應知苔護壁閒詩
門前有徑通三竺欲向中天采石芝

游冶城山

瑤草秋深石磴長半空嵐氣濕衣裳江山佳處一亭古
風雨來時四座涼陰洞水腥龍蛻骨仙巖雲暖麝生香
道人好護新松樹長見清陰覆御床

何伯遜見訪贈詩和荅

梁寅

百里來尋水竹村鵲聲將喜報衡門山中白石聊同煮

世上黃金未足論詩似陰何思更苦跡追園綺道尤尊
貧家無物堪娛客一樹寒梅雪映軒

登吳山

城繞青峯錦繡迴仙樓十二競崔嵬雲飛滄海山無盡
潮撼長江雨併來吳相忠魂祠宇在宋皇行殿梵宮開
東南都會金城廢竟日湖船絲竹哀

都下將歸宿石城門外和李仲淵晚過上林

韋曲風光尺五天驕驄嘶過酒樓前龍輿陌路疎雨
鳳闕觚稜淡淡煙上相綵旂歸柳外王孫金彈落花邊
臨流有客題佳句不羨春風歌舞筵

次韻姜叔德冬雪

黃雲冪冪四山圍翻海陰風撼竹扉珠向羨人簾下撒
花當歸客馬前飛夜窓銷燭增寒氣曉艇掀篷失翠微

豪俊不誇金帳飲新詩聯壁自生輝

抵豫章寄淡溪姜氏叔範叔德叔用叔謙

長羨姜侯兄弟賢幽人庭戶水雲邊
花開舊樹觀生意竹長新蓂勝往年
留客共尋垂釣侶愛孫仍蓄買書錢
相從少壯今華髮一念睽離一悵然

春日次友人韻

張憲

彩毫漆點新蟬翼奚墨雲磨舊馬肝
月落小窓瓊珮冷夢回孤枕玉笙寒
茶醪架雪香生椀么鳳籠煙醉倚闌
笑我一春長閉戶柳花填巷卧衰安

良宵

良宵情緒不堪題立遍闌干意欲迷
纖撥忽敲壺口破金刀類剪燭心齊
綠分楊柳湘簾細紅壓櫻桃斗帳低
彷彿第三橋畔宿月明珠樹夜烏啼

與寧子廉馬敬常飲酒得移字

我愛中州雙國士尊前為我解金龜
南山石爛歌逾緩銅柱沙沈迹未移
割土有人窺漢鼎磨崖無客頌唐碑
狂生雅抱澄清志况是聞雞起舞時

臨安軍前

寂歷荒城遍野蒿昔人事業已徒勞
鴈將秋色催歸馬楓引霜華入戰袍
地阻東南鄉信遠天昏西北陣雲高
不堪屢作還家夢起向西風撫大刀

井西丹房

葛井西頭更向西丹房高與白雲齊
鉛田虎下飛紅電汞海龍沈結紫泥
山鬼俯欄窺火候爐神伏地丐刀圭
飲餘一盞中黃酒坐聽子規松上啼

次韻贈張省史從軍南征

震天金鼓紫駝驕
白燾連珠畫斗杓
甲馬魚鱗開曉日
錦袍花萼上春潮
枕柳雨暗湯泉溢
茉莉風暄海瘴消
幙下何人專妙檄
共誇謀議得張昭

登歌風臺

長陵秋草泣銅駝
臺上豐碑獨未磨
魂魄歸來親黨盡
子孫陵替敵人多
威加四海功何在
力剪群雄慮已過
落日大風吹客淚
起彈神劍和悲歌

題崔鶯鶯像

玉釵斜溜髮雲鬆
不是崔徽卷裏容
顰蹙遠山增嫵媚
盼澄秋水鬪纖穠
影移紅樹西廂月
聲掩朱門半夜鐘
猶似裁詩寄張珙
麗情嬌態萬千重

送桂綺園還紫極宮

樂韶

昔年飛步白雲鄉
珠履曾瞻出上方
天外清風來羽扇

山中明月照霓裳
紫薇曉進金函字
丹桂時分絳帳香
一別喜聞多勝事
床頭夜夜斗牛光

寄郭子虛

君王龍節照江湖
從事多才冠楚都
宗廟衣冠唐典禮
祠官文物漢規模
高樓綵筆題黃雀
空谷生芻望白駒
廣厦細旃多暇日
好將忠孝翊皇謨

題天風海濤圖

何處仙人度海尋
手持綠玉出波心
九天靈響蟠秋葉
萬頃寒潮落晚林
龍伯覽輝金艷艷
湘妃弄影翠沈沈
誰將吹作雄鳴管
十二簫中奏五音

答李伯器見寄就次其韻

張壽字惟中無錫人尚書

四十年来一緼袍
奉親直欲老清朝
鮮魚斫鱸歡殊洽

老蚌沈珠恨未銷和藥每收花上露酌泉時挈杖頭瓢
嗟余屢作還鄉夢誰敢重題駟馬橋

宿雨郭奎字子章淮南人

宿雨蕭蕭悴客心高齋連日滯秋陰一枝未遂鷓鴣志
四壁空愁蟋蟀吟家在淮南青桂老門臨湖水白蘋深
鯉魚風熟香粳早釣艇誰移近竹林

酬鄒伯謙見寄涂穎

白髮蕭疎忝侍儀夔龍青瑣許追隨禁廬晚退仍分直
宣室春來屢祝釐翔鳳遠連雙玉闕流鶯深轉萬年枝
老懷寥落將何補空有雲泉入夢思

春夜漫興王偉

金水河頭輦路分深沈庭院柳如雲春來天上渾無迹
月到花開似有痕酒思普騰歌枕卧鶯聲宛轉隔窻聞

千金欲買長門賦誰似相如善屬文

次韻荅上清周道士

山中一別五經春近得詩篇意度新文字須為方外友
神仙元是世閒人洞雲玄虎司丹室壇月青鸞禮玉宸
坐對匡廬秋色好欲將寄遠苦無因

題太長公主林館揭軌

主家林館御溝西楊柳芙蓉映舞衣玉沼藻鱗魚上躍
繡簾花安燕低飛微風軒輦宮中去淡月霓裳苑外歸
四海昇平當此日萬年行樂莫相違

送吳元翰之七閩戎幕

銅柱煙消百粵通故人千里入閩中將軍幙府求高適
使者書詞請石洪野館別時楊柳綠綵毫吟處荔枝紅
丈夫許與惟知己須佐雲臺第一功

夜宴許御史園林席上作

梨花雪落又春深同醉名園極賞心病起預愁金谷酒
詩成獨愛玉人吟繞林烏鵲驚燒燭仰秣青驄聽鼓琴
觴詠從教花月落海棠亭館正陰陰

題殷將軍詩卷

獨枕金戈淚滿襟白雲天遠杳無音萬鍾空有思親恨
百戰應多報主心王帳頓驚秋露降鐵衣非謂晚寒侵
懸知大樹論勲日風木蕭蕭感慨深

奉和恒陽太守侍駕從畊承恩宴之作

王趾親勞舉藉田花間冠冕惣承宣頌聲已見登三五
貢法徐看耦十千翠輦省畊陳夏諺金閨錫宴奏虞弦
恒陽詞賦知無敵鳳閣裁詩賀有年

晚歸

苑外金波映水天歸驄蹀躞暮江邊鳳凰臺閣初含雨
燕子人家又禁煙詩寫桃花歌扇裏酒携楊柳舞樓前
請看秋雨臘脂并好醉春風玳瑁筵

寄北平邵使旰江陳傅善

日長栢府文書靜想得臨池對翠繳書報麻姑憑鶴寄
經留羽客換鵝歸雨餘山翠飄瑤珮風裏林花落綉衣
取愛虞家戈法好沔傳那得到巖扉

春日寓居奉懷恒陽使君

寓居官舍近西郊花徑蓬門入草茅客裏青春看易過
愁中白髮信難拋顏公乞米寧無帖魯肅分困喜定交
幾度思君風雨夕雞鳴庭樹正嘒嘒

莫春清河官舍

高柳長榆風滿林落花門巷晚陰陰守官忽已過三月

竊祿寧無愧寸心汲黯病餘思獻納謝安老去倦登臨
新篇滿篋非經濟空嘆流連歲月深

鄴中

銅爵臺西鶯滿林落花風景強登臨青春憶弟千行淚
白首思家萬里心羈思渾如芳草亂客愁還似綠波深
江南山水終當去何日穿花放棹尋

異溪亭

溪上林亭清有餘碧沙流水錦難如白雲近接仙人館
喬木遙連故相廬花裏玉琴驚別鶴水邊金錯贈嘉魚
校書文采今猶昔佇看鳴珂接石渠

楚野軒

清時冠蓋集南州家近章華足賞遊花落綺窓巫峽雨
葉飄金井漢皋秋子虛好待相如寄神女還從宋玉求

三楚由來多秀士行看繼武鳳池頭

謝丁從事惠青履

憶昨金園接履聲歸來屏跡掩柴荆空占天澤幽人
吉豈有圯橋俠客名步武青春非壯日著文白髮負平
生惟同謝傅東山履應得尋君共賞情

宴南市樓二首

帝城歌舞樂繁華四海清平正一家龍虎關河環錦繡
鳳皇樓閣麗煙花金錢錫宴恩榮異王尉傳宣禮數加
冠蓋登臨皆善賦歌詞只許仲宣誇
詔出金錢送酒壚綺樓勝會集文儒江頭魚藻新開宴
苑外鶯花又賜騎趙女酒翻歌扇濕燕姬香襲舞裙紆
綉筵莫道知音少司馬能琴絕代無

天壽節侍宴奉天殿三首

文翰類集卷之六十一

萬年天子宴蓬萊五色雲中寶扇開青瑣班齊鴛鴦列
玉階韶舞鳳凰來詞臣上壽陳金鏡羽客來朝獻玉盃
白髮校書何以報惟歌天保答涓埃
侍宴從容近御床白衣新染御爐香承恩賜坐黃金
殿既醉言歸白玉堂登道鸞聲遠湛露上林鳳羽絢朝
陽校書伏勝知何補豈有遺經授太常
奉天金殿玉雲中持賜儒臣坐殿東青瑣八珍光祿送
玉階九奏教切供白衣侍宴思殊絕紫禁尊賢禮益
崇歸到玉堂清醉後照入宮燭瑣窓紅

秋思

綺窓紅燭淡秋光鳳帳流蘇減夕香
機杼隔花閑翠戶
轆轤臨水凍銀床
秋風紫塞書千里
夜月清砧淚數行
望斷金鞍秋又杪芙蓉零落玉池霜

韓信城

謝肅

字原功會稽人福建僉憲

淮流浩蕩楚原平嘆息英雄不再生
天日可期歸漢志
風雲猶似下齊兵
千年城郭名空在
百戰山河姓幾更
還酌將軍一杯酒黃鸝碧草不勝情

贈友二首

魏觀

東山偶為蒼生起商紀來分

聖主憂爭覩台星臨左轄烟如霽
月麗中州梁公引士
賢才出韋相傳經弟子留正論
每聞關治體綸音端為
老成求
曉挹天香詠紫微夕馳清夢繞
黃扉國風正頌周公美
霖雨重徵傳說歸天上皇猷增
黼黻人閒元氣屬樞機
江南民物今淳厚政教從來願
不違

送魏司業出守姑蘇

陶詎

字漢生天台人

東吳父老候麾旌
自蓋朱幡五馬榮
名郡暫須煩魏相
諸生久恨失陽城
麟符剖玉君恩重
燕寢凝香吏牘清
指日徵黃下
丹詔又看環珮入
承明

題方壺山水圖為詹吏部作

方丈蓬萊海上山
瓊林琪樹杳難扳
玉笙倚鳳神仙下
羽蓋驂龍帝子還
縹緲遐踪遊物外
淋漓醉墨落人間
九天步武尚書履
應與壺公接珮環

題四明湛上人鍾秀樓

百尺樓居聳碧霄
天開圖畫足逍遙
一帆春雨來湖口
兩岸青山落樹腰
夜坐翻經香欲冷
詩成倚柱酒微消
東還擬遂登臨興
慚愧無才趁早朝

山居

煙蘿寂寂蔭柴扉
路入蒼苔一徑微
江燕定巢來自熟
巖花落子結還稀
脩琴有制先抄譜
沽酒無錢更典衣
採藥山童終日去
夜深常與鶴同歸

題嵩高春曉圖

嵩高千仞青崔嵬
倚空壁立何雄哉
東瞻紅日海底出
西引黃河天上來
山君翠蓋弭絳節
仙館瓊漿分玉杯
我思從之不可得
忽見畫圖雙眼開

嘉禾

張壁

字景辰
陳留人

城樓倒影落湖波
湖上風帆鏡裏過
歸客自炊菰米飯
小娃爭唱竹枝歌
梭頭艇子輕於葉
雪色沙鷗白似鵝
此地將軍戰時血
春來丹漬鮮痕多

讀文丞相登嘯集

吳括

忠臣就死古來多
丞相謀生脫網羅
要為春秋明漢賊

忍題風絮泣山河綱常道在詩千首骨肉情長賦六歌
留得精誠等光獄奸魂佞魄奈愁何

丁未二月廿五日西江有感

姑蘇臺上白雲飛城郭人民半是非方寸有時亡匕筋
夢魂無夜不庭闈從來此地音書絕漫恐還家骨肉稀
孝道未全那敢死暗將孤淚濕征衣

丙申三月從平章左公摠戎臨安過南山訪揚

鐵厓先生時谿漲馬不克渡延佇口號

旂旒晨趨十萬軍衛青幕府事紛紛卧龍不遠滄溟窟
走馬來看館閣文春過名山花亂落雨晴飛瀑路難分
先生高伴洪厓嘯獨向溪邊望白雲

小孤山

中流玉卓迥無群大海雄藩自楚分絕頂薰蕕常蔽日

靚妝樓閣不藏雲孤根閭直龍樓宅亂水平鋪鳥篆文
我欲維舟明月裏爲神鼓瑟候湘君

遣興答李道源

徒步何憂髀肉消賦歸無待楚辭招摩挲藥籠二年艾
濩落人寰五石瓢蓑笠雨淹滄海釣斧斤晴趁白雲樵
遊仙枕上西池月轉覺東華曙色遙

七夕漫成

烏鵲梁成歲一過靈風此夕度鳴珂鸞釵再合駢金股
牛渚重來失素波巧落人閒徵應少愁歸天上別離多
迴車月暗無消息香霧雲鬟奈爾何

寄題王梧溪先生烏溪隱居

陸海蠶塵竟不開早從人世得天台扶藜洞口晴雲出
濯髮林端夕吹來述作才長勞汗竹謀謨籌在潤生苔

喜聞家政傳諸子十畝黃雲熟酒材

和張拱辰葦中秋傳波韻

頗怪清狂廢客眠桂花飛雨落瓊筵宮壺漏轉烏啼樹
僊佩聲微鶴上天載月輕槎渾汎葉吹雲長笛摠如椽
百年高會誰能識一為新詩作浪傳

送秦東海法師遊上清王殿

為愛仙山絕世氛蒼苔寂寞路難分白羊歲久渾疑石
瓊樹春深半是雲洗藥泉香龍蛻骨吹簫臺迥鶴成群
隱文秘訣無人識我欲相從一問君

寄倪元鎮

赤水丹山隔兩塵麻姑書信莫辭頻久知鴻寶飛騰術
獨許青雲磊落人宿戲能消春晝永茗香聊試石泉新
東風回首松陵道重擬携書與卜鄰

送錢思復提學歸曲江舊隱

湖海多年鬢欲銀一官依舊廣文貧淹留濁世惟懷土
寂寞青衫不受塵酒伴凋零元自少詩筒來往莫嫌頻
曲江春水應無恙安得相從與卜鄰

澁懷樓為章處士賦陶宗儀

樓倚青霄護赤闌時時登眺煩人窠窻含虛景東西泐
坐挹清暉四五山古調寂寥惟自適野情蕭散寄餘閒
墟埃迥隔圖書秘好約游仙共往還

送殊上人游武林聽法

湖上諸峯入望青尋幽歷歷記吾曾半蓬殘雪溪南別
一錫閒雲雨後登時向定回聞戒法便從悟處剖宗乘
明年二月還相迓且說傳來第幾燈

送黃仲珍會試全思誠

字希賢華亭人
文華殿大學士

唳鶴灘前凍雨收
賓筵載詠底
吻吻右文

天子春
秋富勸駕
諸侯禮數優
日下五雲生
北闕天邊
一鶚起南州
遙知八射丹
墀象管翩翩
思不休

寄盧彥高縣尹問疾

陶令西山去
養痾秋來病
減幾分多
千年松下得琥珀
萬壑雨餘生
薜蘿有客饋魚
供野酌何人擊竹和
樵歌長吟不盡
相思意矯首霜前一鴈過

題顏希古忠孝堂卷

元宣字伯長

力孝為忠世所希
高堂榮慶答春暉
紫鸞回紙傳金誥
花蝶封羅製綵衣
桃熟定從瑤圃獻
桂香猶是廣寒歸
史官直筆旌雙美
冉冉祥雲棟宇飛

遊龍翔寺

飛橋北上轉光風
窈窕雲接故宮麟
趾不來行殿廢

龍光還在御床空
巖廊萬像丹青合
樓閣諸天錦繡同
幾度殘鍾敲落日
老僧猶泣鼎湖弓

題寫韻軒二首

雙吹鳳管度西山
城上樓臺記往還
寶帙不開秋月冷
翠屏長對暮雲閑
幽蘭燁燁當窻淨
細草年年上砌斑
想得凌風環珮響
墨香猶在綺窻閒
學書仙子髻如鴉
天上珠簾卷曙霞
綠硯自分金掌露
綵毫應染玉箋花
神情冉冉翔鸞下
逸興飄飄舞鶴斜
寫遍四聲諧妙律
洞章吟向太清家

鎖鐵柱

湖上波濤一劍空
冶金留取鎮龍宮
八方靈索懸坤軸
萬古蒼標定劫風
不用斷鰲重立極
祇今降恠暗銷雄
神仙本是空無事
即此方知濟世功

廉使吳公便宜行事招捕江西賊詩為賀

世家清望切金門錫鉞專征節制尊一道獨傳

天子詔萬人爭識郡公孫陣圖成筭還諸葛銅柱奇勛
屬馬援明日繡衣開王帳降旗閃閃拜殊恩

贈李鍊師

曾從京國領祠官濟岱諸山奉詔看三殿傳香招瑞鶴
九宮陳祀接飛鸞鑄金舊觀軒轅鼎伏火新求太乙丹
却厭遊塵浣仙袂自歸雲島種琅玕

送任經歷彥通

湖上風來五月秋使君歸興滿扁舟綠荷盤冷頻分鱸
白苧衣輕自狎鷗雨漲定聞蛟吼柱天清還見蜃為樓
陶朱富在休官後莫厭煙波萬里遊

觀章謙齋右丞畫像

已率苗民格有虞還聞耆老泣洪都人閒龍虎閒韜略
天上騏驎失畫圖煙雨荒城迷故宅弓刀瘴海保遺孤
百年事業英雄後俯仰空慙七尺軀

投贈韓憲使

世宦中朝濟盛時蚤陳三策勳龍墀魏公再入名臣
譜韓子重為太學師王署脩辭增帝紀烏臺建議肅朝
規清華荐歷忠誠著始識真儒解有為

投贈兵部常主事二首

河上軍麾忽五年江淮監統又臨邊極知

聖主紆神策復命儒臣領將權憲使精忠懸白日尚書
正氣肅秋天幕中况復登才傑勛業當今後世傳
帷幄參謀任匪輕知君自昔負才名祥麟必向周郊出
儀鳳元從舜世鳴雨暗江城春轉粟月寒霜壘夜論兵

願將江漢烝民雅盡入東風凱奏聲

畚徐生問詩

少日題詩愧老成中年漂泊讓才名師裏去亂亡周雅
求玉悲秋學楚聲月樹謾同烏鵲怨陽岡何得鳳皇鳴
歸求信有餘師在千古聲歌繫性情

壽左丞

華省春風佩馬鳴沙堤人喜相君行斯文斟酌由深淺
吾道權衡在重輕左輔位聯南極見上台光指泰階平
要知功業如司馬輦下兒童誦姓名

鳳皇臺

神鳳何年降赤霄空臺尋訪倚岩峽淮封西奠江爲塹
海氣東生地應潮岡卧黃龍松冉冉橋傾朱雀草蕭蕭
謫仙題徧興亡事誰復長才詠六朝

豐城九龍山雙髻峯

九龍蟠處是仙家閑與幽人躡曉霞石裂雲間開一迳
髻分天上聳雙丫洗頭玉女垂秋露背面靈娥倚暮花
勝境真能超浩劫誰從此地飯胡麻

奉獻丞相

紫誥新頒慶築壇新兼將相聳朝端賜分玉節龍光動
恩重金符虎氣蟠鼓角聲酣閩嶠肅旌旗影拂海天寒
八州士庶傳威德預納降書待撫安

江南平章道同公以功拜璽書陞大司徒藩服
奠安喜而有賦

聖代報功開盛典藩臣持拜大司徒河山信誓分盟券
江廣安危繫廟謨龍象獨頒開府印虎文交鑄從官符
崧高佇奏周王雅不數麒麟畫漢圖

送王公輔之京

吳彥貞

奉詔遠趨雙闕下承恩遙拜五雲間
宮花春簇麒麟殿仙仗宵嚴虎豹關
聲動簫韶陪御宴香飄劍珮拱朝班
定知衣錦寧親日携得爐煙滿袖還

寄紀善饒仲恭

東風吹雨落花餘惜別誰能問
素居湘渚啼猿空有賦衡陽歸鴈
久無書懸知賈誼頻虛席見說鄒陽
獨曳裾遙想從容陪步輦對歸月在玉階除

春暮

垂老漂零媿不才更堪時序苦相催
杜陵空有無家別王粲唯餘去國哀
三月煙花非昔望百年懷抱幾時開
月明千里徒長憶拄杖當階只獨來

追昔

王輦曾聞天上過千官扈從駐灤河
萬方喜見車書混四海寧知戰伐多
杳杳歸心隨白鴈蕭蕭殘照落滄波
春風麥秀愁難盡回首悲歌可柰何

登宜川鳳山

鳳去仙臺迹獨存風煙慘淡望中昏
山連雲氣通華蓋月湧江聲下海門
丹桂凌秋香自遠紫芝照夜露初繁
拂衣擬問長年術願挹浮丘與細論

秋懷用簡劄用正

楓葉蕭蕭荊楚秋寒江月冷思悠悠
雲連北極三千里塵暗西江十一州
諸葛有才終佐漢夷吾雖霸實尊周
乘高幾度空搔首城郭砧聲更起愁

送鄧朝用歸南昌

闕下承恩拜瑣闥故辭榮祿解朝衣
曉陪鴈鷺趨丹

陞夕向煙霞卧翠微三逢已聞陶令去四明寧許季真
歸欲知後夜思君處鶴唳湖東白石磯

新春試筆

氣轉東皇逼歲華青郊欲曙散慈鴉寒輕曉拂窓前霧
香動晴飄雪裏花綵筆謾勞春獻頌綠樽無復夜流霞
壯心寥落難歡賞迨遞層城擁鼓笳

過南園錙無作隱者故居

取憶南園逸者廬春雲芳樹亂扶疎閑亭虛蔭先生柳
綠逕曾停御史車山鳥鳴時疎雨過石欄題處落花餘
不堪回首城南路蔓草寒煙夕照虛

次鄧若泉韻就用簡之

盛世衣冠替大猷更無道德並商周文章敢謂才窺豹
慷慨徒慙氣食牛落日悲笳秦苑夕西風黃葉漢宮秋

茂陵千古汾河興還憶中流發棹謳

羊角洞天

羊角空餘石一拳九泉陰洞悶千年天邊影斷霍鳧遠
海上書曾一鶴傳臺殿潛幽淹日月笙簫驚夢隔雲煙
夜涼紫氣浮仙闕始信人間別有天

羨章平章

璽書飛拜下青霄三十功成珥漢貂父老摠迎孫討虜
蕃戎應畏霍嫖姚一門慷慨才難並百戰飛揚氣不驕
歸觀行聞歌杖杜好將忠義奮清朝

題許仲孚梅桂軒

月榭憑池漾碧波寒梅丹桂共婆娑光搖玉樹當窓近
香撲金花點石多仙闕露涼秋共折孤山雪霽夢曾過
登臨不負幽栖興幾欲凌風振佩珂

春江花月夜

翠華巡幸駐離宮錦纜龍舟萬乘東銀甕香浮仙醴綠
金堤花簇御筵紅逶迤簫鼓來天上滉漾旌旗在月中
回首可憐春殿隔如花宮女泣東風

秋興

驪山蒼翠繞秦宮向夕砧聲漢苑空樓閣參差涵暮景
楸梧遠近動秋風雲寒仙掌蒼煙外月冷銅駝蔓草中
千古悲涼興往事滔滔渭水日從東

康郎山奉旨

夏煜

三軍戰罷日重輪好雨東來為洗塵絕壁秋聲清漱玉
白沙月色爛堆銀氣成龍虎知王者兆應熊羆得老臣
半夜內官催草檄燭花影裏繡衣新

廣南舟中

吳琳字朝錫
齊安人

嶺海重瞻宇宙新民風尚似古時淳
蜺人浮宅一舟小蠻女汲溪雙甕勻
冬煖有花飛蝶蝶天荒無筆寫麒麟
茲行猶幸諸君子相約同看上苑春

開化道中

重岡狹路倦登臨喜見溪流華步深
楊柳樹邊舟小小海棠花上雨沈沈
一春王事過三月千里家書繫寸心
無補盛時縻好爵樛材只合老雲林

周元善以蓬山自號為賦

楊訓文

蓬萊山色鬱嵯峨我上有神仙醉後歌
瑤草綠深知歲久琪花香暖得春多
虛勞謝叟乘舟問曾見秦人采藥過
獨有周君會中意不須辛苦涉風波

賦得鳳凰池送李教授歸河南

鳳凰池上送歸船渺渺清波接遠天
沙嘴雨添蒼色潤

溪毛春濯錦紋鮮來儀宛似聆韶樂應瑞何殊集穎川
從此揚帆看君去薇垣明日聽傳宣

寄石仲文

故人別後復如何不寄新詩到薜蘿
賈誼書成何日上張衡愁比向時多
江城木落霜連地澤國天寒水不波
重約明年秋八月紫薇花底共鳴珂

水雲軒為張志道賦

華軒結構水雲鄉中有高人逸興長
睡起波光搖簡冊坐來嵐氣潤衣裳
青山常立飛甍外白鳥時過釣艇傍
相對紛紛惣詩思豈應重問舊滄浪

題劉郎中雲海蓬萊軒

蘭以權

誰信劉郎是謫仙行軒不減洞中天
蛟龍噓氣成樓閣島嶼無波見市廛
鶴到詩壇通遠信人看棊局惜流年

卜居自愛三山好贏得煙波滿目前

酬寶秀才

旅宿三秋依古寺御溝斜月似秦淮
欲憑征鴈傳鄉信却厭鳴蛩感客懷
剪燭且為談磊落敲棊還可助俳諧
休嗟行篋空如洗猶有黃金半股釵

王臺驛亭子

李質字文彬廣東人

春去臺空迹已陳危亭傑出澗之濱
清溪繞屋可濯足好鳥隔江如喚人
明月委波金瀲灩青山帶雪玉嶙峋
桃花流水非人世或有漁郎來問津

題蘆花被圖

吳植

秋風吟就蘆花被一落人閒知幾年
澤國煙波惟見畫詩翁毛骨久成仙
高情都付滄洲外舊夢長隨白鳥邊
日暮江空轉晴雪至今惆悵釣魚船

秋水軒

秋水軒前秋水清
美人曾此濯冠纓
芙蓉隔檻零露夕
鷓鴣滿汀殘照明
洛浦佩環誰共解
渚宮賦詠謾多情
滄浪歌罷無人和
何處兼葭月又生

春日雨中示友人

吳去疾 安慶人

二月已過三月臨
茅堂寂寥常雨陰
梅花白白落已盡
楊柳青青渾未深
何日新晴出山郭
及時行樂稱春心
應須載酒窮幽賞
爛醉扶肩過竹林

除夕

一暑一寒時又改
相看相守過今年
椒柈送酒來深夜
銀燭開花向暮筵
物色漸隨新節換
老懷偏為舊時憐
獨慚五鬼窮仍在
虛有錢神論可傳

舟次匡廬寄同朝諸公

王佐

翰墨同時侍禁闈
恩榮寧謂及寒微
舍人舊掌絲綸
誥御史新裁錦繡衣
天上鵷鷺還接武
江邊鷗鷺已忘機
他年行部如相覓
秋水蘆花是釣磯

四山飛翠圖為孫守禦賦

清溪無地著塵囂
金削芙蓉面
面朝映日輕如紅
雨落隨風微帶白雲飄
宮袍欲試春偏潤
爐篆相縈暖未消
思得尚書高彥敬
為揮翰墨寫生綃

書所見感舊

小小銀箏壓坐偏
曾將古調寄邗絃
芙蓉綠水秋將老
鸚鵡金籠語可憐
兩鴉秋霜明鏡裡
十年春夢夜燈前
湖山隱約人如畫
空負當年罨畫船

送襲封衍聖公希學還闕里

貝瓊

星斗光芒萬丈騰
賜書連舸出金陵
鴈遠青塚天將雪

馬渡黃河夜已冰博士經存終漢出上公爵重自唐升
喜聞手植庭中檜翠接東蒙幾百層

送愚上人歸越并柬奎方舟

天界歸來亦已遲庭松此日定回枝山中結社無靈運
海上留衣有退之鶴去雲霄隨錫杖龍收風雨入軍持
西湖若見方舟老為說三生夢裡詩

送王克讓負外赴陝西

貂裘萬里獨衝寒舊是含章漢署官白雪作花人面落
青山如鳳馬頭看關中將相資王猛海內蒼生望謝安
應念東南有遺逸采芝深谷尚盤桓

春日遣懷

吳志淳字軒人

貧病相兼氣未舒田園雖少樂耕鋤為儒已入他州籍
垂老頻收故國書夜雨湖山人去後春風門巷燕來初

潘生喜遂閑居志阮藉從教禮法疎

閑居東湖述懷

野叟耕鋤喜近郊柴門風雨夜蕭騷卧龍豈欲煩三顧
老鶴長鳴向九臯北闕湛恩新賜爵近臣傳勅舊同袍
自怜經濟全無術祇有山林興最高

春游二首

湖上輕風吹柳絲湖邊細雨濕花枝百年惣有二萬日
一日都來十二時杜老每尋崔氏宅山翁偏愛習家池
乘閒取醉真吾事度水看花也自奇
山中蘭麝香滿林故人清遊能遠尋燕來已覺社日近
寒退始知春意深山光入眼疑遠翠華影到湖生夕陰
慈雲只尺不一去薄暮還家空復吟

送呂君采史北平

李頤字克正豫章人禮部侍郎

八月烏啼海子橋南來使客下青霄雲埋石室丹書在
日落延秋翠輦遙麟史未全歸盛代龜文猶得認前朝
詞臣載筆需文獻莫遣回車久寂寥

題饒叔永紀善臨清道隱

夏澤茅堂類灑東風流何羨浣花翁回舫載酒行天上
青鳥銜書度鏡中塵世自傷棋換劫文光誰識劍浮虹
衣冠閎闊無窮思盡屬滄浪兩鬢蓬

登五峯

仙子招邀啓翠關瑤臺銀殿宿高寒吹簫紫鳳雲中下
入洞蒼虬雨後蟠酒泛流霞斟玉髓爐存伏火候金丹
赤松即許留侯問定向東風挂鐵冠

次韻黃秀才秋興

滕毅

虎戰龍爭二十秋江波日夜自東流道傍無語王孫泣

天際含嘯帝子愁首宿風煙空壁壘兼葭霜露滿汀洲
古今唯有西山月永夜依依照白頭

送玉筍王道士赴京有代祝嶽瀆之行 彭鏞

王子緹山載碧筍遠隨 丹詔親神京秩宗祀典虞書
在封禪壇壝漢時平玉筍雲連龍虎氣金陵天近鳳凰
城祝官拜望承 恩蚤小朶樓西散珮聲

贈黃鍊師

孫炎

留侯帝子有初平九歲從師住玉京天與數書皆鳥迹
家傳一劍是龍精瑤池桃子無消息海水桑田又溼清
我為紫芝歌一曲夜深相答洞簫聲

奉使還途中聞東征捷音

南來萬馬爭邊塵銜璧歸朝盡大臣城上玉繩浮婺女
帳前銀甲擁

天人出師已略扶桑國奉使須通析木津遂有江黃慕
中夏可無書檄諭全閩

早朝

顧祿

天上鳴鞭徹曉聞千官趨謁正繽紛金門闕處珠簾捲
翠仗臨時寶扇分光動鳳樓迎瑞日看浮龍衣護祥雲
小官何幸陪班列萬歲千秋祝
聖君

天壽節賜宴回 九月十八日

千官闕下候晨鐘鳴玉鏘金拜舞同紅旭乍分仙仗裏
紫煙高長御爐中九秋清氣回天地萬歲懽聲祝華嵩
朝罷傳宣催賜宴小臣何幸列夔龍

錢塘懷古

帝子龍飛渺海涯城頭落日悲笳杜鵑夜叫空陵木

野殿春銜廢苑花綠水已無遊客舫青山都屬梵王家
興亡自是今猶古何必騷人重嘆嗟

過都陽湖

臨行醞酒酌湖神打鼓開船出要津雲霧氣蒸迷日月
波濤聲撼震乾坤放歌今日容豪客破敵當年想
至尊咫尺南昌城郭近且將雙足洗征塵

送顧謹中赴大學二首

林洵 字季文
大台人

洪武初年監學開

大明天子育英才不徒貞觀儒風盛載喜新羅子弟來
佩影三千環壁水書聲日夜徹蓬萊君今此去文名著
行見奎光近上台

春來四海喜昇平花氣浮香日日晴儀鳳舞庭為世瑞
神駒脫御向人鳴英年好試春秋學美譽曾傳月旦評

聖主求賢端為國虎頭不負有雲仍

次韻答友人

宋璩

春來偶覓尋山屐為趁閑雲繞碧流佳興擬酬方外約
故人應住水西頭清尊濁酒偏能醉火棗交梨不外求
花信已成狼籍夢南樓風雨為誰憂

荆南江晚眺有感

劉仔肩

沙頭寂寂晚維舟詞客重來感舊遊江上夕陽諸葛廟
雨中芳草仲宣樓天連錦水來春色雲暗襄鄰起暮愁
回首可憐梁甫意一官牢落向南州

文翰類選大成卷第六十三

文翰類選大成卷第六十四七言律目錄

國朝

高啓三首

張率十五首

黃琮三首

吳中平一首

吳同三首

饒侶九首

許中麗三首

廖孟瞻一首

聶同文四首

梁紹輝二首

高伯恂二首

李伯範一首

蕭執一首

晏彥文二首

李升運一首

周啓八首

章光遠一首

劉子建三首

張羽八首

黃肅一首

鄭濤一首

甘彥初四十九首

王敬中二首

文翰類選大成卷第六十四七言律目錄

文翰類選大成卷第六十四

左長史上海李伯璣編輯

伴讀慈谿馮厚校正

詩類七言律

國朝

奉天殿進元史

高啓

詔預編摩辱

主知布衣亦得拜龍墀書成一代存
殿鑑朝列千官備漢儀漏盡秋城催
仗早燭明曉殿卷簾遲時清機務應
多暇退閣從容幸一披

送易左丞分省廣西

朝廷特念遠民深畫省分官出桂林
油幙乍開依漢節卉衣爭到貢蠻金
四時花發山多暖半日嵐收市尚陰

虞帝祠前篁竹裏相思莫聽鷓鴣吟

送呂秀才入道

學禮茅君便入山黃冠初著稱青顏杏園不羨龍頭貴
蓬島應思鶴背閑窓下棄檠辭婦去壇前受籙拜師還
白雲知勝青雲好揮手從今謝世閒

范文正公祠

開閣陳書對御筵共言天子得時賢纔陪上相趨廷內
遽撫豪羌出塞邊松栢自依先壠廟稻禾猶滿義庄田
古來直道終難合何必深嗟慶曆年

送榮陽公行邊

風卷雙旌雪覆韉遠騎白馬出行邊兵馳空壁三千幟
客宴高堂十萬錢屏裡舊圖魚腹陣燈前新註豹韜篇
功成他日論諸將只有荀卿寂少年

盧花簾

葵苒織出緯蕭機未許蝦鬚獨銜竒寒雪照庭晴不捲
白雲當戶畫長垂恍疑柳絮風穿早不管梨花月到遲
自是楚江秋一片移來不使白鷗知

吳城感懷

城苑秋風蔓草深豪華都向此銷沈趙陀空有稱尊計
劉表初無弭亂心半夜危樓俄縱火十年高塢漫藏金
廢興一夢誰能問回首青山落日陰

謁甫里祠

衣冠寂寞半塵絲想見江湖獨卧時遁迹虛煩明主詔
感懷猶賦散人詩釣魚船去雲迷浦鬪鴨欄空水滿池
芳藻一杯誰為薦鼓聲只到水神祠

送王檢校錡赴北平

半年同舍客京華看遍龍河寺裏花纔進史書朝日下
便紆官綬去天涯平蕪遠塞秋征駟衰柳遺宮晚噪鴉
莫道窮邊成久別待君歸草玉堂麻

送任兵曹赴邊

少年恥著惠文冠幙下時時把劍看官燭未銷雞送曉
軍笳欲動馬嘶寒關連雲樹征途遠塞接霜蕪戰地寬
見說長平門下客竒才唯有一任安

鶴瓢

遠隨仙客下青城瘦骨肥來見盡驚藜杖夜懸翻露影
竹尊春瀉飲泉聲園中幾歲形容變海上何時羽翼成
醉聽樹頭風唳唳却疑秋傍九臯鳴

弔子胥廟

地老天荒伯業空曾於青史見遺刃鞭屍楚墓生前孝

扶目吳門死後忠魂壓怒濤翻白浪劍埋冤血起腥風
我來無限傷心事都在越山煙雨中

送陳都司赴大將行營

上公承詔出蓬萊立馬風煙萬里開賜履已分無棗遠
舞戈還見有苗來牙前部曲多收績幙下賓寮更倚才
後夜軍門知子到郎星應是近三台

弔岳王

大樹無枝向北風千年遺恨泣英雄班師詔已來三殿
射虜書猶說兩宮每憶尚方誰請劍應憐高廟自藏弓
栖鴉嶺上今回首不見諸陵白露中

清明呈館中諸公

新煙著柳禁垣斜杏酪分香俗共誇白下有山皆繞郭
清明無客不思家卜侯墓上迷芳草盧女門前映落花

喜得故人同待詔擬沽春酒醉 京華

送澆左司徒汪參政分省陝西汪由御史中丞出

重臣分省出臺端賓從威儀盡漢官四塞山河歸版籍
百年父老見衣冠函關月落聽雞度華岳雲開立馬看
知爾西行定回首如今江左是長安

漫成

柴門藥圃小江邊早得閑居是偶然兩岸晚風黃鳥樹
一陂春水白鷗天悠悠往事空書卷碌碌浮生只釣船
猶記京華為客日幾回聽雨憶歸田

京師秋興次謝太史韻

柳外秋風起御河京華客子意如何伎同北郭知應
濫俸比東方愧已多梁寺鐘來殘月落漢宮砧斷早鴻

過不才幸遇同趨闕幾度珊瑚候曉珂

登涵空閣

在靈巖

袞袞波濤漠漠天曲闌高棟此山顛置身只在浮雲上
縱目長過去鳥前數杵秋聲荒苑樹一帆暝色太湖船
老僧不識興亡恨只向遊人說往年

陪臨川公遊天池

騎馬尋幽度嶺遲老僧不識使君誰門開紅葉林間寺
泉浸青山石上池殘果已收狼食少枯松欲折鶴巢危
壁閒不用題名字無數蒼苔沒舊碑

江上晚眺懷王著作

渡頭西望足離情晚水寒山雪後清鷗立斷冰流漸遠
鴉隨殘照去還明漁人笛起風生浦估客帆回樹隔城
范蠡祠前春意動思君欲放酒船行

靈巖寺

閑上香臺望下方漁村樵塢盡蒼蒼傾城人遠苔生逕
歸寺僧稀葉滿廊雲散池邊留塔影雨來閣外失湖光
廢興皆幻何須問獨自吟詩送夕陽

登郡城樓

萬家煙火望中迷形勝曾留白傅題公館深沈春樹暗
女垣寂寞晚烏啼高城鼓角聲初起遠寺樓臺勢盡低
取愛好山青幾疊畫屏長在曲闌西

梅花九首

瓊姿只合在瑤臺誰向江南處處栽雪滿山中高士卧
月明林下美人來寒依踈影蕭蕭竹春掩殘香漠漠苔
自去何郎無好詠東風愁寂幾回開
縞袂相逢半是仙平生水竹有深緣將踈尚密微經雨

似暗還明遠在煙薄暝山家松樹下嫩寒江店杏花前
秦人若解當時種不引漁郎入洞天

翠羽驚飛別樹頭冷香狼籍倩誰收騎驢客醉風吹帽
放鶴人歸雪滿舟澹月微雲皆似夢空山流水獨成愁
幾看孤影低徊處只道花神夜出遊

淡淡霜華濕粉痕誰施綃帳護香溫詩隨十里尋春路
愁在三更挂月村飛去只憂雲作伴銷來肯信玉爲魂
一尊欲訪羅浮客落葉空山正掩門

雲霧爲屏雪作宮塵埃無路可能通春風未動枝先覺
夜月初來樹欲空翠袖佳人依竹下白衣宰相住山中
寂寥此地君休怨回首名園盡棘叢

夢斷揚州閣掩塵幽期猶自屬詩人立殘孤影長過夜
看到餘芳不是春雲暖空山栽玉徧月寒深浦泣珠頻

掀蓬圖裏當時見錯愛橫斜却未真
獨開無那只依依肯爲愁多減玉輝
簾外鍾來初月上
燈前角斷忽霜飛行人水驛春全早
啼鳥山牆晚半稀
愧我素衣今已化相逢遠自洛陽歸
寂愛寒多寂得陽仙遊長在白雲鄉
春愁落寞天應老
夜色朦朧月亦香楚客不吟江路寂
吳王已醉苑臺荒
枝頭誰見花驚處嫋嫋微風款款霜
斷魂只有月明知無限春愁在一枝
不共人言唯獨笑
忽疑君到正相思歌殘別院燒燈夜
粧罷深宮覽鏡時
舊夢已隨流水遠山窓聊復半題詩

題劉真空歸隱圖

張率

星官賜酒上恩隆
羽服還山世慮空
龍虎丹光浮沆瀣
鶴鸞驂御入鴻濛
樓臺不夜金壺月
潭洞先秋鐵笛風

舊事國初傳不朽清標宜在畫圖中

題張仲憲宅高房山青山白雲圖

仙府前頭翠作堆雲容山色共徘徊
山如聽樂儀鸞下
雲似拈花舞鶴來
造化毓奇開紫洞
神明有後住丹臺
更從深屋看圖回
只訝浮嵐近酒杯

與歐陽雪舟登城西小山

八閩郵傳水雲關
七寶城池木石灣
諸將柳營分遠近
故侯瓜地得寬閑
西湖魚鳥空遺恨
秀野風煙自老顏
白髮羽人談舊事
眼中華表雀飛還

寄題南城李氏五松亭

五松亭子屋南偏
烏帽消搖白髮年
翠蓋茯苓篝火處
黃金落粉醉歌前
九秋天籟陶弘景
千丈雲巢李謫仙
尚有清風灑林壑
爲君流響七絲絃

題崑崙頂圖

老於圖畫識崑崙天下名山此獨尊
白明西歸連月窟黃流東去建河源
天王廐馬來無跡仙母桃花笑不言
不有方壺騎宦過誰能揮翰寫雲根

宿華陽館東吳鍊師

華陽外史華易冠梅樹蒼蒼桂樹團
雨應符文他境潤斗垂香炷列星寒
因乘野水孤舟便來借雲居一榻安
不敢妄翻清閱室恐驚雷電繞飛壇

畚周檢校

衡茅晚計卜溪南水石幽竒得縱探
詩社往還青玉案仙經借送紫泥函
漁邨過雨行秋霽龍洞開雲坐晚嵐
種橘垂成嗟已老煩君多致洞庭柑

錢塘懷古

南渡諸陵玉柙灰錢塘孤塔是幽臺
石麟久向雲根沒金鳩何曾海上回
掘漢赤眉因世亂賓周白馬自天來
沛中王氣非陵寢徒使遺民過客哀

題明皇貴妃琴阮圖

聽罷霓裳柰樂何重瞳垂采顧秋波
鼓琴忘却南薰操摘阮翻成子夜歌
天寶年閒遺直盡沈香亭上晚酣多
絲桐本是房中樂得似關雎感名和

題肩輿淵明圖

生兒不獨愛梨栗也解肩輿奉此翁
典午江山詩卷裏義熙天地酒壺中
誰家幽徑造竹所晚歲高風依菊叢
諸葛嚴陵本同調行藏有道即英雄

舟中望靈山

一別靈山又五年空青忽到晚帆前
龍蛇在野春陰合

草木為兵殺氣纏瀑布泉飛巖有雨水精苗長石生煙
喧喧鼓角吹浮世誰似雲中散髮仙

兵後次衢州

高壁深池表裡寬危樓飛閣水雲寒三年血戰曾漂杵
兩將身降惜蓋棺桑土盡如東郡賦橘林猶帶洞庭酸
群雄政似柯山弈閑與樵夫縮手看

王駙馬席上作

城上春雲浮綠樹亭中綺席帶朱闌惠風已送蕃薇暖
細雨猶兼芍藥寒將帥肯同文字飲山川渾作画图看
高談政自忘絲竹安得移書與謝安

乙巳元日

四門擊柝罷寒更淮水淮山欲曙城栢子添香延宿火
梅花吹角送春聲大星賓日光芒定殘雪兼霜物候明

故國親朋俱獻歲異鄉魚鳥獨關情

寄鄧彥誠贊府

雲林二十六峯高峯下具兵著白袍義士起為鵝鶴陣
名家舊有豹熊韜上腴田土皆生玉深洞人家盡種桃
功賞一門稱二羨銅章交絢呂虔刀

挽李春谷

黃琮字致吉

句析章分舊頤師遺文三復後人知蠟封四尺先生墓
螭首雙螭太史碑天上玉樓仙去遠遼東華表雀歸遲
賢郎已是青雲器足慰重泉永夜思

贈梅邊鑿士

市藥人間歲月深繞園種杏已成林鄭人共詫長桑術
沛國多傳華氏鍼丹室夜長探火候梅枝春早悟天心
絕怜群物涸傷久博施相期在祗今

題奎映軒

吳中平

玉燭調和久太平文星都道更分明飛騰未躡雲衢路
題品先傳月旦評天祿有光通太乙謫仙千象應長庚
他年定照臨川筆好占鰲頭第一名

題余忠臣祠

吳同字伯宗金溪人翰林學士

四郊圍合偃旌旗百雉孤城遂不支空有張雷全節地
竟無周漢中興時寒煙逝水留遺跡落日長松想令儀
生死實關倫紀重簡編千古大名垂

題張叔同豐城送別圖

三年遊宦客京師長憶豐城送別時牛斗夜輝龍劍出
江湖秋迥鴈書遲畫圖彷彿山中樹杯酒殷勤月下詩
只尺青雲生萬里西風何用嘆分離

二月十一日太學釋奠分勻得珠字

成均釋奠集文儒

天語從容命大夫樂具五和新制作禮嚴三獻舊規模
頒香使者朱衣出執事諸生玉珮趨
聖治永隆文運泰奎躔燭曙正聯珠

送危士啓赴京

饒侃

親庭拜舞綵衣裳祖席留連碧玉觴六月火雲連海岱
一篙潦水下舟航蓬萊宮殿煙花繞翰苑文章日月光
霄漢飛騰屬髦士即看簪筆侍
君王

送陸原熙之天河縣主簿

仙槎八月泛天河雀髮飄蕭爽氣多海角晴光收瘴霧
洞門夜色起夷歌枳叢百里淹仇覽銅柱千秋羨伏波
雲路同升殊去住都門分袂奈愁何

侍游東苑

雨餘初日散輕寒花簇金鞍
輦路乾新綠頓驚行處滿
深紅不惜折來看
雀迴舞影當瓊戶
鶯囀歌聲繞畫闌
寂愛春遊多逸興
時時滌硯掃輕紈

東溪

東溪絕似浣溪頭
山色遙連曙色浮
天際帆檣來几席
月明鳧雁滿汀洲
郡城西望四五里
江水東流千百秋
好種芙蓉傍沙渚
角巾短褐坐垂鈎

繭絲集

先世遺編號繭絲
文光五色照巖扉
垂綸頗適幽閑趣
補袞還憐志願違
千載高情懷漢魏
數聯清致擬陶韋
名郎克紹箕裘學
佇覩飛騰上帝畿

盤石軒為永豐丁本隆作

嘉石携來自海門
渾渾猶帶鑿時痕
幽軒花木相輝映
白晝風雷訝吐吞
瞻翫乍疑蹲虎豹
摩挲只恐韞璵璠
詩翁題詠多清致
珍重流傳示子孫

詠海棕應教

嘉樹生依寶殿西
亭亭一幹絕繁枝
芳根不許人閒種
麗藻惟聞杜老摛
日射龍鱗金隱映
風搖鳳尾碧參差
佇看佳實霜餘熟
萬顆勻貞樹底垂

扈從殿下之國至荻港作

恭陪鶴駕出金城
老稚歡呼夾道迎
錦繡帆檣天上過
神仙人物鏡中行
地當荻港雙峯峙
雲接蓬萊五色明
寰宇雍熙藩翰靜
願申歌頌贊昇平

送鍾震曲儀扈從之兗州

儀曹奉引禮容舒

帝子承恩建國初
劍珮五更辭玉陛
貔貅千隊擁金輿
岱宗好覓秦詩刻
闕里宜徵孔壁書
臨眺知君多逸興
清吟遠寄悵離居

丙辰冬過中京書事

許中麗 字仲宇

鳳皇城闕紫霄閑
曆數不承王氣還
舊說圖書符洛邑
載瞻玉帛會塗山
太平有象畊桑盛
邊奏無聞甲冑閑
自古賢才躋盛美
願歌天保答龍顏

元旦趨朝值雪

銀燭花消降臈紅
麗樵殘漏促晨鐘
諸侯拜舞稱周頌
黎庶詞謠被國風
火樹薰天千戶曉
宮門賀壽萬方同
昇平先祝無疆筭
俯仰風雲盡向東

退朝有作

清時承詔拜金門
閭闔晴開曙色分
宮殿雲深迷鳳翥
旌旗風暖動龍紋
恩沾下界歡謠遍
道濟中州德化聞
自揆愚庸蒙至渥
願殫忠赤報明君

武英殿應制

廖孟瞻

紫殿沈沈晝漏遲
暖風輕颺綉簾幃
璫林花覆詞臣席
玉几香分近侍衣
邊傲武功思馬援
中朝儒術賴朱熹
瑣闥深沐恩波重
自愧無才讚萬機

送黃訓導貞之官雲南

聶同文

蕭蕭行李載琴書
獨影南征萬里途
地入炎方冰雪少
俗兼夷獠土風殊
千峯落日山連蜀
八月西風馬度瀘
此去重煩施教雨
遐荒應見盛文儒

送吳子瞻之官廣東電白知縣

迢遞番禺路幾千之官遙歷海南天梅花嶺外無冰雪
荔子岡頭有瘴煙德洽自能馴野雉心清寧慮酌貪泉
明年政理民歌頌應有聲華到日邊

送李原明歸廬陵

懶繫浮榮遂布衣高風應戀故山薇柴桑酒熟陶潛去
盤谷泉甘李愿歸有客龍鵠求字帖無人騎馬到荆扉
都門別後扁舟遠他日相思夢翠微

寄施崇獻

先公戎馬策奇勛何事諸孫並好文共說機雲遊洛下
豈無王魏集河汾墨香芹泮春風暖燈火芸窗靜夜分
指日高秋蟾闕近好攀仙桂步青雲

挽金城隱者

梁紹輝

三年死別息交歡故里重來益愴顏紅葉寒林書屋靜

白漚秋水釣船閑江湖牢落塵蹤外天地浮沈醉夢閒
回首荒墳倍惆悵夕陽暝入隔溪山

登小孤山亭子

飛亭結構半山隅雲影天光入畫圖清漲九江吞漢沔
高標孤柱限荆吳風來舟楫歎危疾雲暗魚龍變化殊
獨倚畫欄吟不盡白雲飛處寸心孤

寄施以端

高伯恂

桃花點點山中雨楊柳青青水面絲春色惱人牽別恨
錦綫乘興寫相思小窻鸚鵡呼春夢芳樹提壺促醉期
惆悵百年今已半花前時復玉樽隨

寄梁紹輝

花時醉裏匆匆別回首西風錦樹秋明月相思隔江浦
素書不見到林立松陰塵榻晴還拂池畔清樽晚更留

山水閑情宜共賞碧雲涼鴈思悠悠

小姑山

李伯範

一柱高標巨浸中孤根下壓壓鰲宮海關東挾濤聲壯
天塹江盤石勢雄鷹隼崖巖秋嘯日蛟龍窟宅夜呼風
東流不盡興亡恨野艸荒煙夕照中

劉子高贈王明善依韻以和 蕭執

匡廬之山瀑布泉老子結社來何年林閒經罷常隨處
雲外樵歸或遇仙坐石有時巾掛樹焚香終日袖攜煙
市南別有秋江水種得花開總是蓮

奉天殿早朝

晏彥文

大輅新成駕象犀百官雲集午門西天垂禁苑星辰近
春滿皇都雨露低殿陛風清馴虎豹御溝水暖散鳧鷖
中霄雲霽天顏喜丹鳳樓前降紫泥

武侯廟

丞相精忠萬古傳寸心唯切中興年揮戈有力難回日
鍊石無功枉補天已死尚能驚仲達平生恨不滅孫權
鼓山高處遺祠廟野艸荒煙思惘然

題幸好禮墨竹

李叔運

兵暇山亭駐馬鞍醉拈秃筆寫琅玕蛟龍曉起春濤湧
翡翠夜棲秋水寒冰雪幾年存勁節雲霄此日見飛翰
明當結實來儀鳳未許漁人負釣竿

湘王殿下之國奉饒志喜啓周啓 字孟

秋風江上錦帆開荆國人瞻

帝子來鴻鴈九霄分雨露魚龍七澤避風雷丹砂不數
淮南祕詞賦誰誇子建材民社奠安藩輔重年年來捧
壽堯杯

夜宿真源觀和張嘉定句兼呈王尊師

化宇高寒北斗臨石闌西面月華侵
盃前交誼驚存沒劫外浮雲變古今
一徑橫塘分澗遠千章喬木種榆深
紫簫何處堪乘興秋色無過紫翠林

蜀王殿下守中都奉餞志喜

未從西蜀按封疆先謁中都祀

太皇龍虎風雲藏陣略鳳凰星日著
文章萬年淮土園陵重千里岷山道
路長恩寵自天隨福履早聞憑軾

詠濠梁

供祀次瓜步

迢迢瓜步隔滄波漢武南巡昔此過
濤霍風雲思玉輦茂陵煙雨泣銅駝
文明啓運皇圖遠禮典推恩世戚多
望秩有期淮甸闊萬方思聽

沛中詞

中都龍興寺伏觀

御書第一山三大字碑有作

九重宸翰麗天文三字穹碑壓厚坤
山色不知今古異地靈惟戴

帝王尊蛟龍絕巘盤亭構獅象諸天
拱寺門千載鍾王誇健筆敢同羲畫
與時論

中都孟秋陪從蜀王殿下祀

皇陵

親王代祀撫松楸玉座金門敞素秋
日月麗天深睿想風雲齊仗儼神遊
鍾離樹老幽宮壯芒碭山高王氣浮
此日彤庭瞻此地祠光應徹五城樓

題許氏環翠亭

車馬塵囂接峴臺幽亭故向竹間開青雲祗見團陰下
赤日何曾送暑來苞鳳遶蒼籠夜月擗龍翻甲待春雷
閑吟倚遍闌干坐面面分青到酒杯

題許仲孚碧梧翠竹堂

欲著堂居絕市囂盛栽梧竹竦清票楹鳳皇借與枝頭
宿翡翠看從屋角飄西掖十尋空對雪南塘幾箇自干
霄何如擬峴臺前詠醉倒箕山月露瓢

酬吳彥貞見寄

章光遠

架上殘編久蠹蟬遠承高誼托幽尋華堂夜雨孤燈盡
茅屋秋風落葉深清操幾人追古詔朱絃三嘆有遺音
多材布列開休運遲爾朝陽彩鳳吟

登冷風閣

劉子建

冷風高閣倚天開落日登臨思壯哉秋水魚龍變劍化
夾城煙樹兩江來乘桴詎忍浮東海鳴玉何由拜上台
戎馬驅馳關塞遠不堪回首一悲哀

客裏

亂離何處是安居客裏生涯百不如關塞極天勞遠望
親朋滿地少來書執珪未遂銘鍾鼎伏櫪祗慚駕鼓車
日暮倚闌情不釋永懷秋月夜窸虛

送劉子京之豫章

回省星辰接上台扁舟東下瘴雲開龍吟鐵柱秋風起
日落西山爽氣來已喜伏波清楚塞還聞鄒衍入燕臺
天閑十二皆龍種伯樂應怜伏櫪材

燈花

張羽字來儀湖州人太常寺丞

畫堂銀燭映歌鍾醉眼俄驚火樹紅白玉屏深留晚艷
絳紗籠暖護春叢闌干清淚非因雨狼藉殘煤揔為風

更憶禁垣歸路靜金蓮隨馬散文虹

行樂過西崦

白日都消筆硯閒偶因行樂到松關秋聲不盡蕭蕭葉
夕景無多淡淡山虫響寒齋僧自定苔荒深院客長閑
已知身世俱成幻莫嘆西風鬢已斑

揚州道中

馬頭津口足風波歲晏遙乘一傳過南渡客來多漢語
下江船去半吳歌蕪城摠入新編戶瓜步斜連古溷河
處處吹簫明月夜野田茅屋曉煙多

寄方貞外

結髮從戎二十年獨揮赤管萬人前新辭祿秩緣思隱
閑學齋居似愛禪病裏每書除藥券愁中久絕看花筵
懷君不隔天涯遠只在荒城暮雨邊

春雪

不肯呈祥向鵬前却來迎瑞入新年鬪粧已落梅花後
學舞還居柳絮先久積已迷芳草地易消應避艷陽天
遙知大輅躬畊處共賀瑤瑤滿舜田

雨中書懷

邑里蕭條民未復齋居卑濕病相牽客愁連月惟聞雨
農事關心擬問天自幸拙畊終歲飽更慚中酒日高眠
不才如此真堪棄敢負明時費俸錢

重陽道觀

玉澗泉香草自春丹樓南下瞰城闈青衣童子曾來地
白石先生過去身九轉爐寒銷宿火七真堂古暗秋塵
松閒道士多凡骨未省誰爲出世人

吳興南門懷古

郭門南固似襄州野樹寒山對倚樓公子城空無食客
霸王宅在有荒丘夕陽冉冉仍西下秋水茫茫共北流
只是今時已惆悵不應更為昔人愁

題蘭雪齋

黃肅

誰似高人學楚醒齋居清絕覽芳馨江妃解佩歸湘浦
玉樹飛花滿謝庭九畹荒涼風更落半窓虛白戶常高
國香異日徵嘉夢子為題詩眼倍青

樓貞婦全清堂

鄭濤

曉窗膏沐不為施節行激江湛碧倚兩鬢秋霜塵滿鏡
一燈寒雨淚承頤從知寢餽勤姑養已向閨闈盡婦儀
今日高堂頌致樂固應眉壽集繁禧

遊龍虎山

甘彥初

流水灣迴路百盤化人樓閣倚清寒枕中鴻寶長生錄

屋外玄都太古壇金鼎有丹先試犬玉簫無曲不吹鸞
麻姑未老秋霜鬢幾見扶桑海未乾

題郭氏層溪梅屋

路過橫橋野外坳台枝雪榦倚衡茆暗香夜襲蒼蛟窟
清夢寒過翠羽巢羌笛叫殘霜破萼短篷載得月橫梢
相知未許林和靖歲晏山翁可定交

社日

楓樹林邊雨脚斜兒童祈賽竟諠雞豚上戊家家酒
鶯燕東風處處花野逕歸時扶醉客叢祠祭罷集神鴉
瀕湖生意傷多潦預祝汗邪載滿車

耕舍穫畢寫懷張雪坡

兀兀窮年傲一甔倦游歸問壤西田家童急去輸租米
里父能來索社錢蔬壤畏螟宜久曝竹籬防虎更新編

短檠燈火初寒候稚子還須理舊篇

題黃丹溪石峯丹房

金華學道記當年授得黃庭內景篇洞裏丹成呼犬試
山中石老任羊眠紗床煖滴雲根乳藥碓寒春雨後泉
九轉丹成顏色好不妨人說地行仙

寄仲敬嚴徵士

梧桐墜露滿庭臯應有新寒入客袍筆陣臨池誇草聖
酒花入面助詩豪絃中白雪知音遇匣裏青萍長價高
不媿羊裘江上客釣竿隨處狎煙濤

劉氏竹心亭

幾年種就萬琅玕冰雪侵凌節獨完嶰谷舊栽鳴鳳管
渭川誰製釣魚竿香浮吟墨春雲濕翠擁書簾夕露溥
俗客不來門迳僻山童日日報平安

題源清樓

喬木蒼山世澤餘百泉映帶好樓居明涵物象秋毫際
清滌塵襟日氣初盤谷勝遊宜秣馬武陵深隱或通漁
考亭千載留深意活水源頭試問渠

高子勉病起移家

四郊無警被桑麻洙水源頭舊是家愛客屢懸高士榻
開荒寧種故侯瓜酒邊病減知弓影燈下歌長拂劍花
閑却陣圖雲鳥勢看山隨處岸烏紗

寄張可立

旅泊他鄉有歲年南塘水竹卜居偏得錢日閉君平肆
載酒秋尋賀鑑船葭近通門底巷荆榛遙帶郭西田
東歸亦有尊鱸興矯首滄浪若箇邊

客窓

伏枕艱難淹久病閉門寂寞抱長飢石田有雨荒春種
茆屋無煙乏午炊慷慨荊州王粲賦淒涼夔府杜陵詩
百年文物看今日祇益愁來鬢欲絲

秋思

玉帳西風鼓角鳴海鯨穴浪暮寒生月中擊柝防秋急
雲際燃峯照夜明喻蜀誰傳司馬檄征蠻猶待伏波兵
漢家遣將無虛日應為蒼生念太平

題洞泉觀

流水橫橋小洞門亂來遺迹暗消魂
劔沈舊井龍湫廢碑斷陰厓鶴塚存
落日樵蘇歸古道西風禾黍入孤村
扶桑海水今清淺應待麻姑為細論

題黃氏竹隱山房

三徑歸來菊就荒
藜藿低覆小茅堂
殺青謾欲傳科斗

截玉誰能學鳳皇石徑微風翻籜滿土階
新雨走鞭長夜闌怪得宜清笑零露淋漓在客裳

贈遊龍虎山

上清遊子髮蕭蕭風露秋高鶴背簫
洞口桃花須自訪淮南桂樹共誰招
潭龍護劍雲橫室山鬼求丹月在瓢
定有長生餐玉訣幾時握手見松喬

西師

中興寶藉群公力反正終歸萬姓心
霧雨銅標蠻傲闊山河鐵券漢恩深
明珠翡翠殊方入天馬蒲萄遠使臨
北極即瞻佳麗氣南雲足聽凱歌音

春日登高有懷

風景蒼茫大野陰懷鄉倦客此登臨
十年魚鴈將家遠三月鶯花濺淚深
天落湖山雲水散地連閩越瘴煙侵

躬耕却憶窮廬叟梁甫栖栖日暮吟

題方壺寫看雲卷贈道人蔣怡然

長笑人間識者稀掉頭直欲了玄機行尋流水胡麻飯
製就春山榭葉衣九轉還丹留火伏一聲橫玉叫雲飛
何時華表重來日城郭人民幾是非

題張忠靖祠

潼關不守兩京危誰抗胡雛百萬師颯爽雄姿酬苦戰
從容謀略出多奇男兒不論全身計厲鬼猶懷滅我期
千載乾坤名節在西風有客讀殘碑

清明

輕寒天氣半晴時隴麥畦桑綠漸肥誰與試煙傳臆燭
且謀沽酒典春衣東風門巷桐花落流水池塘燕子飛
吟罷不堪搔短髮杜鵑祗解促春歸

送道士遊上清

家世留侯幾葉傳藥爐神劍尚依然丹書細篆長生籙
紫府清都小洞天鐵笛一聲秋似画丹砂九轉骨應仙
磅麟脯鳳瑤池宴笑問蟠桃歲幾千

題忠臣廟

公孫躍馬計何疎百萬天兵展壯圖樓櫓已看煙黯淡
鐵衣爭染血模糊死經百戰英魂在廟食千年祀典殊
欲向雲山懷往事朔風鴈鷺正號呼

贈鑿十周道亨

上池飲水是何年老去江湖術更玄杏熟虎收林下穀
橘香人飲井中泉藥分兔臼清秋島方出龍宮半夜傳
袖取茯苓鑿國手一壺閑向市中懸

題陶氏聽竹齋所藏舊卷

山陰水竹舊齋扉翰墨殘香有所思四海晨星諸老盡
百年喬木故家遺虛亭月夜瓊簫遠空谷天寒翠袖悲
俯仰釣游如昨夢寒煙野蔓四離離

寄張雪坡

南塘水竹舊郊扉老去青山目力微吟瘦定知衣帶緩
別多兼恨簡書稀畦桑葉短蠶初出隴麥苗深雉正飛
香老松花春又過莫令情分久相違

贈地理者

囊中一卷郭氏書眼底山川興不孤兩袂風塵誰故舊
一筇煙雨自江湖銅駝陌上入長笑金粟堆前烏自呼
見說五陵佳麗氣天荒地老不能蕪

贈製筆生傅子封

汗簡虫魚蠹蝕餘夜燈細字墨新濡管分湘水啼斑竹

毫拔山中衣褐徒忠孝百年宜特錄奸諛萬死竟須誅
王堂揮翰今誰在他日承恩待指呼

題黃鍊師栖霞山房

赤城初日射蒼茫晞髮陽阿日氣涼瑤圃秋風歸倦鶴
金華春草散群羊朝真自製雙飛珮燕客宜傾九醞觴
寂憶步虛聲徹曉琪花清露濕霓裳

雨中書懷

南窗坐掩讀殘書落盡梨花雨點踈短夢或因中酒後
輕寒已過禁煙餘芹香墮几初歸燕泉脉通池欲上魚
搔首故人懷別久欲憑尺素問何如

讀余廷心傳

海風吹浪集樓舡百戰疲兵僅數千但許有身堪報國
豈知無力可迴天幽燕北望玉師遠江漢南來地勢偏

天塹已空豪傑沒朔雲邊雪事茫然

次張文學韻寄涂貢士

回角城頭曲未終十年哀怨萬方同黍離正恨傷周切
章甫翻吟適越窮黃葉空山僧舍雨滄浪衰髯釣絲風
閑愁欲遣三千斛濁酒寧辭一百筒

贈督租府吏

去縣山鄉百里城遺民裹甲却歸耕里胥隲突嚴徵稅
府帖喧呼急召兵落日牛車疲餉運西風雞黍慣逢迎
今朝忽遇清時吏持酒殷勤說太平

贈日者何冥觀

首陽餓死跡全生萬古蒼蒼竟宵冥談笑或懸蘇子印
栖遲終抱伏生經洛陽有客聞啼鳥牛渚何人識使星
端策欲從詹尹卜梅花東閣莫深高

長沙夾夜泊

漠漠蒹葭斷渚連烽亭亭鼓報更傳迴風吹樹纜初繫
斜月照蓬人未眠鴈足寄書懷歲晏蠓螯新酒及霜前
滄茫遠浦寒燈外尚有漁郎夜扣舷

登擬峴臺

高臺俯仰大江馳南盡甌閩樹影微白草秋煙遺戰骨
青天寒照落人衣襄陽耆舊心如昨華表仙翁事即非
東望故園三百里不堪搔首片雲飛

讀項羽傳

慷慨吳中始避仇入關遂伯五諸侯錦衣已失韓生說
玉斗終傷亞父謀漢業百年真主出楚歌半夜美人愁
陰陵失道雄圖去亭長相期謾艤舟

水南晚眺

山風蕭蕭群木落寒日黯黯孤猿啼江雲欲雨復不雨
野鳥將栖還未栖歸人入夜望煙火行子傷秋聞鼓鼙
水南山川繞城市正好買地躬耕犁

題余文貞公請援兵書卷後

大將分符自朔庭出師江漢肅南征賀蘭不救睢陽死
無忌難收晉鄙兵唇齒百年誰復惜簡書千里謾多情
西風一劍英雄淚已透寒江日夜聲

讀文丞相傳

萬死胡天泣楚冠南雲歸計路漫漫尚圖一旅興王易
不念孤兒立國難樓櫓海門西日暗劍歌江介朔風寒
九原痛憶遺編在千載奸諛掩面看

讀史有感二首

二龍悵望杏西遊弓劍蒼茫滿地愁青草空遺雙塚月

彩雲已散六宮秋長江落日忠臣恨易水寒風壯士羞
楚漢興亡俱一夢當時何用割鴻溝

汴流西遶漢時宮陵樹蕭蕭易朔風金盃不收銀鴈去
銅仙無露玉盤空御溝流水人閒碧禁苑蟠桃海上紅
却憶晉家南渡客清談不記誤和戎

閑居感舊

待詔金門擁佩珂南征殊賜洽謳歌亦知江摠蒙恩數
每愧揚雄識字多頭白一官今自老汗青千載竟誰磨
可憐夢裡釣天曲回首蓬萊奈爾何

淝河官舍

誤玷春官選士班不才竊祿竟何顏陽城自計催科拙
尹鐸能知保障艱候迂東津衝雨去驅馳南郡帶雲還
迂疎本是漁樵侶清夢無時繞故山

大將出師

九重飛詔紫泥新

帝命南征遣大臣宮露迥迴銀甕暖江花初報錦袍春
蠻煙瘴雨驅車遠朔雪燕雲送捷頻汗馬功成催入觀
汾陽勛業照麒麟

題程善夫釣隱

山人不繫廟堂憂只住湖邊事釣遊黃鳥隔巢書夢午
紫鱗吹浪棹歌秋狂奴傲世終辭漢尚父匡時晚入周
千載高懷誰得似飄飄身世等沙漚

錢塘懷古二首

落木驚波入虜塵新亭空集北來人神州未復英雄老
王業偏安曆數屯萬騎星屯潮捲夕六宮雲散草生春
百年江左偷安計泉下惟應泣老臣

咸洛腥羶幾百州中原誰切祖生憂秦關壁使星馳夕
漢苑銅仙露泣秋萬死奸諛和虜計百年臣子戴天雠
欲從故老詢遺事斗酒難澆磊落愁

讀靖康遺事

杜鵑啼老洛城東烽火郊畿縱犬戎廟略合收肥水戰
虜盟誰定渭橋功銅駝故陌迷秋草黃屋驚塵捲朔風
一自鼎湖龍去後小臣何地泣遺弓

奉東高秘監

紫蓋南來闕
帝都文光上值斗牛墟金門早赴公車對石室宜紬太
史書綵筆日沾題處濕黃封時醉賜來餘河圖大訓

前王典

聖治于今又一初

南湖齋居寄友人

王敬中

字同人

山寒夜透青綾被海日朝明白玉珂
隱几不知春色晚停杯驚見落花多
旃檀香裏來僧梵楊柳橋邊起棹歌
咫尺湖光不相見竹床琴調近如何

贈友赴廣州

烏府才華爾最賢北風又上孝廉船
篋書尚有陳琳檄行李那無子敬氈
帆影曉分湘浦月珮聲晴拂隱山煙
壯遊萬里須乘興好著聲名到日邊

文翰類選大成卷第六十四

